

賭棋山莊詞話

賭棋山莊集 詞話續編一

長樂謝章铤枚如撰

竹垞曰宣政而後士大夫爭爲獻壽之詞連篇累牘殊無意味至魏華父則非此不作矣置之不錄也按此說本於花庵然華父鶴山長短句三卷雖未臻上乘亦未嘗全作諛辭其水調歌頭過淩雲和太博張方韻云千古蛾眉月照我別離杯故人中歲聚散脈脈若爲懷醉帽三更風雨別袂一簾山色爲放笑眉開握手道故舊抵掌論人才 山中人竈閒婢亦驚猜江頭新漲催散欲去重徘徊世事絲絲滿鬢歲月怱怱上面渴夢肺生埃酒罷聽客去公亦賦歸來亦疏暢可誦竹垞謂曾覽觀

是集殆未諦審乎又臨江仙上元放燈約束伎前燈火
云千燈渾是淚一笑不論錢八聲甘州云多少曹符氣
勢只數舟慘輦一局枯棋更完顏何事花玉困重圍算
眼前未知誰恃恃蒼天終古限華夷還須念人謀如舊
天意難知則不可謂非有心人也華父曾爲吾閩安撫
使

元均曰爲三司使數年強笑多矣直笑得面似鞞皮
月泉吟社謝詩賞啟用之云恭維某官笑面如鞞阮亭
議其不雅馴香祖筆記華父清平樂詠白笑花云纔問爲誰
含笑盈盈鞞面敲風知此語爲宋人所習用然鞞面上
頭贅以盈盈字亦殊不倫

楊誠齋念奴嬌

上章乞休置戲作小詞自賀

云一道官銜清徹骨別有

監臨主守主守清風監臨明月兼管栽花柳此等字面俱惡俗又云且說廬陵新盛事三個閒人眉壽揀罷軍員歸農押錄致政誠齋叟軍員押錄不知何許人

夏日偶過寄巢辰溪出觀閨秀詩詞卷中有題小庚先生

本事詞後二闕姚翠濤

雪初

浪淘沙云天籟韻珊珊顧

曲餘聞烏絲小字寫香奩千古風流千古恨留在人間

空自說辛酸無限情緣凝兒嬌女忒纏綿天下有情

天上月那得常圓陸琇卿

韻梅

浣溪紗云韻事才人又

美人湖山金粉豔芳塵一編絮果與蘭因簾外綠雲

留倩影風前紫玉慰香魂瓊簫吹到月黃昏琇卿爲吳

縣潘星齋

曾瑩

之室有潘陸聯吟私印雨後坐月清平

樂云溼雲低撲

星齋

涼意含疏竹閒倚紅闌干幾曲

琇

卿一點流螢閃綠

星齋

小牕月上遲遲

星齋

送來花

影參差愛把湘簾半下

琇卿

秋痕篩滿羅衣

星齋

琇卿

工畫梅有梅花詞十首其夫婦讀書曰梅館星齋有自

題填沁園春詞云梅花人影雙清有多少香風腕底生

好憑青玉案愁春未醒脫紅羅襖喜夏初臨蝶外尋芳

鷗邊選夢半是閒情半綺情驚笙擷笑霓裳按拍還倩

卿卿閨幃韻事突過趙李矣中四語純集調名尤爲巧

合自然

星齋詞生香活色極似吳石華茲略其鸚鵡簾櫳詞鈔

中警作數闕於左浪淘沙

閨愁

云斜倚小紅樓不上簾鉤

一年孤負踏青游連日飛花連夜雨釀作春愁

花影

漾溪流水綠如油傷春滋味似傷秋展得眉頭愁一縷

怎展心頭唐多令云春色又天涯尋春路已賒待春來

重到儂家記得泥紅牆子外有一樹海棠花生小最

風華晶盤舞袖斜待來時重聽琵琶記得海棠花影下

有一帶綠窗紗醉花陰

雪霽

云粉砌冰簾寒入畫春在疏

簾下坐到夜深時明月窗前悄把梅花寫

一片殘聲

飄竹瓦何處閒愁惹夢裏好尋詩喚箇扁舟搖入山陰

也清平樂

間蟬聲

云一絲微裊爲問秋多少滿地綠陰涼

意早教把斜陽遮了

最宜雨後風前聲聲換得商絃

記向紅橋載酒萬荷花裏停船菩薩蠻云晴絲搖曳烟
痕織流鶯訴盡春消息花下自尋思去年春去時花
魂吹未醒付與愁邊省閒倚畫闌干玉羅衫子寒柳梢
青題畫云曲曲鳧鄉山眉隱黛雲葉飄涼老柳多情幾絲
秋影挂著斜陽斜陽無限思量憶短夢零星斷腸數
點樓鴉一鉤初月做盡昏黃十六字令云絲一縷春風
綰別離深深拜多謝綠楊枝

張皋文詞選凡詞四十四家一百十六首由唐逮宋所選

止此可謂嚴矣末附其友黃仲則景仁竹左仲甫輔念

詞惲子居敬萊錢黃山季重黃李申耆兆洛丁若士

履恆宛陸祁生繼裕清凡七家鄭善長掄元又益以皋
芳樓詞

文茗柯

與其弟翰風

琦立

其徒金子彥

應城蘭

朗甫

玉式

竹隣

而善長之作

字橋

亦自列焉二張及七家皆常州

人二金及鄭則歛產也合十家或一二闕或十數闕其
題多詠物其言率有寄託相其微意殆爲朱厲末派餽
釘塗澤者別開眞面將欲爲詞中之錚錚佼佼者乎續
選凡詞五十二家一百二十二首則翰風外孫董子遠
殺所錄以補前選之遺亦肄業之善本也

仲則詩名最盛其竹眠詞爲王蘭泉司寇所刊定仲則
曾及司寇之門以詞論殊覺青勝於藍冰寒於水乃司
寇序之若有微詞何也

此序不載
春融堂集

申耆篤學能文其養

一齋集不愧讀書人吐屬子居古文風骨適上居官亦

以才能見稱舉文周易虞氏義世方風行然亦剽竊以
供場屋之用其真知研究者殊難散文氣醇體潔足爲
桐城後勁於詞皆餘事耳四先生之書予皆見之餘人
則散見他著未覩全集此卷所錄子居畫蝴蝶詞六首
分層用意予最愛其第三首云輕須薄翼不禁風教花
扶著儂一枝又逐月痕空都來幾日中 曾有伴去無
蹤闌前種豆紅蜜官隊裏且從容問心同不同阮郎歸詠
楊花者名作在前難於措手舉文云儘飄零穀了誰人
解當花看正風避重簾雨迴深幕雲護輕旛尋他一春
伴侶只斷紅相識夕陽閒未忍無聲委地將低重又飛
還 疏狂情性算淒涼耐得到春闌但月地和梅花天

伴雪合稱清寒收將十分春恨做一天愁影遶雲山看

取青青池畔淚痕點點凝斑

木蘭花慢

雖未能拔奇於東坡

之外亦自無限深情春日賦示楊生子揆云長鑱白木

柄刷破一庭寒三枝兩枝生綠位置小窗前要使花顏

四面和著草心千朵向我十分妍何必蘭與菊生意總

欣然曉來風夜來雨晚來煙是他釀就春色又斷送

流年便欲誅茅江上只怕空林衰草憔悴不堪憐歌罷

且更酌與子遶花間

水調歌頭

清空一氣寄託遙深他如黃

山之纔能吹得燈兒黑明月無言又到窗又云梅花落

後桃花落芳草無情獨襯桃

鷓鴣天

翰風之花影一枝枝

瘦明月滿中庭又云簾外依依香絮算東風吹到幾時

停

南浦

何處繫香車海棠三兩花又云碧藕折連絲夢輕

君未知

菩薩蠻

申者之倭墮綠雲斜未妨雙臉霞又云複

袖錦鴛鴦經年繡一雙又云不覺月痕西下簾霜滿衣

菩薩蠻

子彥之詠螢云又恐到清霜時節小扇輕羅無人

惜更銀屏翠幙深深隔

賀新涼

花影云一夜一分月色又

一分花意催送芳春

湘春夜月

朗甫之人意悄篆煙濃開簾

燕子風又云春心花不知

更漏子

蛺蝶云一捻纖腰恰合

付與愁痕年時此地看花處到花時一例傷神

高陽臺

善

長殘荷云卷向薰風坼向西風消受斜陽無數

綠意

簾云

只是一片湘波怎便隔天涯約住滿庭花氣問東風可

解吹送芳菲又云朝來欲捲怕暗塵點上羅衣

湘春夜月

云平蕪一片斜陽影問韶光何處句留又云儂心化作

天涯絮怕重來錯認簾鉤

高陽臺

秋海棠云倚盡雕闌殷

勤誰伴黃昏斷腸賸得娉婷影斂嬌紅欲上羅裙

高陽臺

詞不一格而皆耐尋味固與如塗塗附者異矣

金應珪曰近世爲詞厥有三蔽義非宋玉而獨賦蓬髮

諫謝淳子而唯陳履舄揣摩牀第汙穢中葺是謂淫詞

其蔽一也猛起奮末分言析字談嘲則俳優之末流叫

囂則市僧之盛氣此猶巴人振喉以和陽春鼃蜮怒隘

以調疏越是謂鄙詞其蔽二也規模物類依託歌舞哀

樂不衷其性虛歎無與乎情連章累篇義不出乎花鳥

感物指事理不外乎應酬雖旣雅而不豔斯有句而無

章是謂游詞其蔽三也

詞選跋

按一蔽是學周柳之末派

也二蔽是學蘇辛之末派也三蔽是學姜史之末派也

皋文詞選誠足救此三蔽其大旨在於有寄託能蘊藉是固倚聲家之金鍼也雖然詞本於詩當知比興固已究之尊前花外豈無卽境之篇必欲深求殆將穿鑿夫杜少陵非不忠愛今抱其全詩無字不附會以時事將漫與遣興諸作而皆謂其有深文是溫柔敦厚之教而以刻薄譏諷行之彼烏臺詩案又何怪其鍛鍊周內哉卽如東坡之乳燕飛稼軒之祝英臺近皆有本事見於宋人之紀載今竟一概抹殺之而謂我能以意逆志是爲刺時是爲歎世是何異讀詩者盡去小序獨創新說

而自謂能得古人之心恐古人可起未必任受也前人之紀載不可信而我之懸揣遂足信乎故舉文之說不可棄亦不可泥也此意予所著稗販雜錄已略及之茲復論之如此爲能尋詞源者進一解焉

東坡卜算子云缺月挂疎桐漏斷人初定時有幽人獨往來縹緲孤鴻影驚起卻回頭有恨無人省揀盡寒枝不肯棲寂寞沙洲冷時東坡在黃州固不無淪落天涯之感而鯛陽居士釋之云缺月刺明微也漏斷暗時也幽人不得志也獨往來無助也驚鴻賢人不安也回頭愛君不忘也無人省君不察也揀盡寒枝不肯棲不偷安於高位也寂寞沙洲冷非所安也字箋句解果誰

語而誰知之雖作者未必無此意而作者亦未必定有
此意可神會而不可言傳斷章取義則是刻舟求劍則
大非矣卽如宋末玉田蕢洲諸家閱歷滄桑固宜胸有
壘塊今一遇稍有感慨之詞便以爲指斥時事愁禽怨
柳塞滿乾坤是直以長短句爲謗書矣夫豈其然昔吾
友劉贊軒勛曾作詠塵詞云簾前幾陣狂風登樓一望
迷南北濛濛驟起紛紛自擾斜陽欲黑舞榭燈昏妝臺
釵冷模糊春色歎遮來難覓埽來仍聚染雙鬢誰人識
無賴青青垂柳又愁痕雨邊暗纖半黏去馬半隨流
水銷魂行客十斛量愁千重疑夢青衫淚溼好拂衣歸
去低徊明鏡把朱顏惜水龍吟無錫丁杏舫紹備采入聽

秋聲館詞話疑爲慨時之作其時粵匪披猖閩中大警
贊軒非無愛憤之篇而此詞則實因朝雲在殯柳枝不
來感逝傷離所遭輒不如意而作無關時事也夫以同
時之人蹤跡未密尙難揣其用意之所在而況在千載
百年以上乎杏船詞話采摭甚勤校讐律譜亦復精審
其論詞選謂過於矜嚴學之者非平卽晦乃窺測作者
又隱隱爲皋文推波助瀾豈以是爲獨得祕解耶

皋文
所選

不過百餘闕而杏船
以爲四百餘闕亦誤

迦陵填詞圖作於戊午閏三月廿四日蓋舉鴻博之先一
年也乾隆末其從孫葑洲中丞縮本刻之袁簡齋爲之
序中有吾閩林麟煊瑤華步武曾韻云埽眉才子捧硯

佳人成古來名話龍鬚半剪學弄聲索冷秋千高架砑
箋凝墨對梳掠雲鬟入畫有爐頭取酒鷄裘文是相如
似者而今賦筆淡墨前歌板因緣花陰簾下那人別
後憔悴甚尺幅生綃空寫丁香帶結任帳底煙銷蘭麝
想多時拋卻檀槽淡淡眉峯感也

卷中吳農祥題詞獨多有風流子代女郎贈主人有鳳
凰臺上憶吹簫代主人贈女史又有沁園春三闕末闕
云柳底吹笙塵尾烏絲爭侍賓筵見題詩欲倦徐留帳
下宿醒微解恆立牀前擲果丰姿餘桃慙態任打金鋪
擁被眠郎君誓定今生與爾不罷相憐只今追憶蹁
躑好初日容儀比少年記笑顏擡眼花難解語歌喉按

拍珠亦羞圖金馬初開璧人何在翡翠簾寒易惘然秋
懷苦似長河不息膏火同煎跋云陳髯舊有小史驚豔
一時又作沁園春以惱之徐林鴻和云歌舞君家不借
人看阿誰肯憐縱腰肢柳擺長條攀折衣裳雲想別樣
纏綿瞥見何曾竊窺未許迢遞蓬山路幾干平生面只
錦衾帳底寶髻臺前無端賺製新篇有蜀錦吳綾十
萬箋任彩霞吹徹短簫橫笛銀河隔斷碧海青天春色
依然玉人何處妙手空將好事傳伊相謔除身爲明鏡
分得嬋娟跋云星叟先生將戲語譜入余亦再疊前韻
名曰惱髯以當懊儂鴻再記按星叟卽農祥也小史蓋
謂紫雲裘文達

日修

題五絕句第四云卷中詩伯首漁

洋諸子飛騰各擅場一事難忘惆悵處不將餘濟脫雲

馬

宋錢塘鄧牧心

牧

伯牙琴云唐宋閒始爲長短句法非古

意古然數百年來工者幾人美成白石逮今膾炙人口
知者謂麗莫若周賦情或近俚騷莫若姜放意或近率

張叔夏

此一節持論極精的

俗以死爲嗚呼此語宋時已有張功甫

鑑

南湖集有臨江

仙詞自注云余年三十二歲在甲辰嘗畫七圈於紙揭
之座右每圈橫界作十眼歲塗其一今已過五十有二
悵然戲題此詞詞云七箇圈兒爲歲數年年用墨糊塗
一圈又剩半圈餘又云縱使古稀真箇得後來爭免嗚

呼杜少陵詩遺懷
存沒再嗚呼

塞垣春一名采綠吟見周公謹蘋洲漁笛譜與詞律所載
句法既差平仄亦異想紅友未見此詞也茲將其序與
詞并錄於左俟考序云甲子夏霞翁會吟社諸友逃暑
於西湖之環碧琴尊筆硯短葛練巾放舟於荷深柳密
閒舞影歌塵遠謝耳目酒酣采蓮葉探題賦詞余得塞
垣春翁爲翻譜數字短簫按之聲極諧婉因易今名云
詞云采綠鴛鴦浦畫舸水北雲西槐薰入扇柳陰浮漿
花露侵詩點塵飛不到冰壺裏紺霞淺壓玻璃想明璫
淩波遠依依心事寄誰移櫂機空明蘋風度瀟絲霜
管清脰只赤挹幽薌悵岸隔紅衣對滄洲心與漚聞吟

情渺蓮葉共分題停杯久涼月漸生煙合翠微

予此詞據知不足齋本錄入按天籟詞譜補遺載采綠吟卻不言卽塞垣春而於畫舸上多一放字又以只赤作咫尺岸隔作岸院漚閒作鷗閒蓮葉作蓬萊煙合作煙含又以寄誰作誰寄謂裏字寄字脆字皆韻平仄通叶平仄仄三也

知不足齋所據影宋抄本也公謫好作古字其中中字皆作申則以鷗爲漚以

咫尺爲只赤不足怪也

公謹以梅瑞香水仙爲三香菊桂秋荷爲三逸以聲聲慢詠之王葢隱又以梅蘭水仙山礬瑞香爲五香圖張伯雨

天雨

以踏莎行詠之見貞居詞

偶從烏石山九賢祠見填詞一卷上曰蜩吹集下曰侯官

崑石山人填有林煥小印一點絳脣別意云鶯老花殘
一春歸信還無據愁痕千縷碧向眉峯聚 拈得紅箋
擬寫相思句情難敘幾回句去沒箇詮題處滿江紅醉
後書感云枉做書傭空負過少年時節算此際閒愁萬
種壯懷千疊愚慙難投人世眼顛狂合墜風塵劫歎半
生老我舊青氈徒羈縲 囊裏分金絕釜庾裏餘糧
竭問滿腔塊礪作何歸結一綫龕燈寒弔影數行衫淚
新留血酒酣時亂擊案頭壺聲嗚咽

金壇史悟岡

震林

耽禪悅撰西青散記多雋語有云醫者

之手俯乞者之手仰書者之手側皆干人者也又云松
癡老人性嗜松松之古者勁直端嚴曰吾師也其次兄

之友之子弟之鈍拙如老僕髡髻如醜婢短健如奚童
老人悉憐愛之弗忍爲翦伐有因老人歿而枯瘁者觀
者歎曰義松也子竹溪及老人生忌日必奠松以酒而
拜之下有梅老人手植也竹溪有賀新涼詞云此處松
陰罅有當年酒人詞客詠觴其下小子趨庭常聽得一
一姓名心寫數往事留傳佳話淡月微雲風動竹瘦龍
鱗恐值春雷化黃粉漫琴絃罷傷懷老淚空盈把再
休提零縑碎墨看山讀畫影酒痕都滅沒依舊月牕
輝樹歲歲裏雨淋霜打只有寒梅增矯健亦曾經晤對
諸公者留伴我孤吟夜

詞之三聲互叶非創自詞也虞廷賡歌已以熙韻喜起矣

至詩中此例尤多又詞有疊句法亦本於詩卽如之子
歸不我過不我過等類是也蓋必疊一句其意方顯若
無意強疊則亦無貴乎疊矣

道山堂

前集吾鄉陳靜機

賦

著首有黎士宏黃周星序靜

機勝朝遺老采薇不出蓋氣節之士然其文殊平庸不

足觀詞尤多失調如滿江紅之孤琴調湧海峯尖

下半闕第

七沁園春之何時飛鏡大刀頭

下半闕第九句

平仄全非填詞

不下百闕乖錯尙如是其讀書桃源憶故人云纖纖玉

指翻細縹簾外風枝悄揭過牙籤多少一陣脂香綠

畫屏閒几微吟了惟有洛神賦好不學男兒潦倒偷揣

登科稿頗清脗可誦縹緲倒用其亦丁寧嵬殆之遺法

乎

古田張志道

以甯

在明初文章有盛名最爲宋景濂欽服

亦能詞而所傳只二闕一明月生南浦已采入明詞綜
一江神子本平韻七十字體近檢翠屏集則後半首句
已脫去不能成調然其集尙是明代所刻蓋當時此道
已歇絕矣志道題申屠子迪毀曹操廟卷云使世皆申
屠駟則漢不魏魏不帝矣管甯賤孔明天駟生也後天
也嗚呼悲夫數語最慷慨可誦然志道則已身事二姓
矣

志道元泰定丁卯進士任黃巖州判官陞六合知縣又
教諭淮南再徵國子助教累入翰林食元祿者四十餘

年入明拜前官奉使安南封其國主未至王卒國人請
立世子志道不許復請命於朝乃許之太祖以其奉使
不辱賜以御製詩八篇祖留孫元禮部尙書父一清參
知政事蓋元世臣也見沈景倩萬厯野獲編

武平林子壽

其年

農部存悔齋詩集後附團扇詞十數首

虞美人云一燈篷底聽秋雨夜入吳淞路明朝應是卸
帆時可惜夫容開盡一年枝 羅襟點點離亭酒薦地

重攜手盡奩依舊掃雙蛾無那別時終比見時多子壽
清才早達眾皆以大器期之同治甲子以貧故由省會
之漳訪其故人今日停裝明日粵匪突至遂遇害於漳
州城下并其未刻著作亦皆散失嗚呼文人之窮乃至

此故

周櫟園著書影十卷取老人讀書祇得影子之意當時讀者盛相推許然其書大抵鈔撮羣籍而成自出己意者不過十之二而尙有錯誤之處如謂宋末賈秋壑仿說郭爲悅生堂隨鈔按說郭爲陶南村所輯南村元人秋壑安能仿之第櫟園是書乃成於請室者窮愁著書蓋猶有古人之風焉固不必深求也已中又引徐巨源之言謂子夜讀曲之屬流爲詩餘流爲詞詞變爲曲按明人皆以詩餘稱詞茲云流爲詩餘又云流爲詞詩餘與詞亦未審何別

丙子予過江夏平湖張鹿仙

煇堃

都轉以抱山樓詞索序

并出其先集兩種及海鹽黃韻甫

變青

國朝詞綜續

編見贈韻甫之書蓋準蘭泉司寇而作所采約六百家

子置之行篋未及讀也一日見上海所刻申報中載香

海詞話

未列作者姓氏

云詞綜續編二十四卷自順治迄咸豐

搜羅可謂富矣然首卷錄丹陽荆慈衛念奴嬌一闕與

草窗絕妙詞選張于湖過洞庭作一字不訛殊不可解

案于湖爲南宋名家所著紫微詞久已膾炙人口何選

家竟未之見繼武朱王蓋亦難矣予考之草窗原書其

言不謬此與杏庵詞話所記明詞綜以五代李琦之浣

溪沙爲鐵尙書鉉作錯誤正同其亦疏於校讐矣詞話

又云嘉善黃霽青太守

按清

有續詞綜之輯覓其書不

獲周季貺司馬云黃氏詞續藏黃韻珊大令憲清家亂

後存否末由知矣大令官楚中有倚晴樓詞按所言卽

韻甫也惟韻甫作韻珊變清作憲清豈名字有更改抑

記憶之偶疎耶然則韻甫此書其卽本於霽青歟但霽

青之作亦選入此書第六卷而韻甫所附詞話第言霽

青所著綠箋詞鈔二卷爲其所手定井不言其有續詞

綜豈故諱之歟疑不能明也若末卷井及近今年少英

俊則鹿仙之所附益也韻甫詩詞及帝女花桃花雪諸

傳奇鄂垣皆有刊本當寄覓之

杏舫云往見蔣氏詞選錄吳興女史沈御蟬宛選夢詞

謂是容若侍衛妾其菩薩蠻云云此詞余前卷已錄閨中有此

姬人乃詩詞無一語述及味詞意頗怨抑也按蔣氏
昭代詞選所列閨秀妻稱室妾稱副室沈宛名下明注
長白侍衛納蘭成德室然則妻也非妾也殆誤記歟抑
以旗人不應有漢婦耶侍衛悼亡諸作情長語重予前
卷已詳之或卽爲沈氏發歟惜侍衛所著淶水亭雜識
納蘭詞等書余皆散失或其中有可考者杏舫又云大
興朱竹君學士主試閩中夢武夷君見召約以十年後
視學任滿入都未久遂逝閩縣孟瓶菴吏部弔以金縷
曲云云按此事載吏部所著瓜棚避暑錄予前卷已采
入惟杏舫所引詞與原作多不同如蓬山作蓬瀛爲乘
輶仙霞關上作駕征輶褰帷南望一枕孤蓬作一枕清

宵風馬雲車作雲馬風車人世事塵凡隔作休忘卻舊
丹冊塵行役作慵登陟武夷君十年以後作語仙靈相
期十載不虛作不辜誰料重來前緣在蛻骨寒巖猶昔
作誰料輜軒重莅止到眼巖巒猶昔曾幾時作曾未幾
莫唱人閒可哀曲作話到幔亭張宴事互異將半不知
其何所本至蛻骨莫唱二句卽用竹君題圖詩蓋吏部
此詞亦爲題圖作也事有原委文有來由隨意塗抹之
其亦勇於筆削矣書中似此者多不便備舉

受業贛州胡發琪謹校

賭棋山莊集

詞話續一

受業興國李師竹覆校

賭棋山莊集

詞話續編二

長樂謝章铤校如撰

侯官林文忠公勳業文章彪炳海內所著政書及畿輔水利議荷戈紀程等編近已次第刊行雲左山房詩文集尙存於家公與同邑李蘭卿

彥章

都轉同志平日切磋

皆相期以古名臣都轉任思恩府時爲政私淑陽明官聲大起惜天不永年未竟厥施其亦有幸有不幸矣榕園集詩文頗富而未見長短句公則詞附於詩存之後公固不必以詞見而其詞則與嘉道閒諸大老可以並駕齊驅月華清和鄧嶰筠

廷楨

制府沙角眺月原韻云

穴底龍眠沙頭鷗靜鏡奩開出雲際萬里情同獨喜素

娥來此認前身金粟飄香拌今宵羽衣扶醉無事更憑

闌想望誰家秋思憶逐承明隊裏正燭撒玉堂月明

珠市鞅掌星馳怎比軟塵風細向煙樓撞破何時怪燈

影照他無睡宵霽念高寒玉宇在長安里喝火令和嶰

筠韻云院靜風簾捲篴疏月影捎閒拈新拍按瓊簫惹

得隔牆眠柳齊裊小蠻腰自闌清涼界斜通宛轉橋

家山休悵秣陵遙翦取吳紈寫取舊煙梢喚取幽禽入

畫對影舞雲翹高陽臺和嶰筠韻云玉粟收餘原注罌粟一名

蒼玉金絲種後原注呂宋煙草名金絲種蕃航別有蠻煙雙管橫陳

何人對擁無眠不知呼吸成何味愛挑燈夜永如年最

堪憐是一九泥損萬緡錢春雷歛破零丁峽笑蜃樓

氣盡無復灰然沙角臺高亂帆收向天邊浮槎漫許陪
霓節看澄波似鏡長圓更應傳絕島重洋取次回舫金
縷曲春暮和嶰筠綏定城看花云絕塞春猶媚看芳郊
清漪漾碧新燕鋪翠一騎穿塵鞭影瘦夾道綠楊煙膩
聽陌上黃鸝聲碎杏雨梨雲紛滿樹更蘋婆新染朝霞
醉聯袂去漫遊戲 謫居權作探花使忍輕拋韶光九
十番風廿四寒玉未消冰嶺雪毳幕偏聞花氣算修了
邊城春袂怨綠愁紅成底事任花開花謝皆天意休問
訊春歸未買陂塘癸卯閏七夕云記前番明河如練一
雙星影纔渡者回真算天孫巧不待隔年來聚誰作主
任月帳雲屏再綰同心縷芻尼解事看兩度殷勤毛衣

禿盡填就舊時路 含情處脈脈一襟風露天涯根觸
離緒追歡早把芳時誤此夕匏瓜如故愁莫訴怕再上
層樓又被黃姑妒何時歸去盼白鶴重來玉笙吹破或
與子喬遇公樂人之善不以分位自高吾友翁蕙卿時
群秀才家臺江年少有俊才詩宗太白長言俯視一切
頗見些於時口公時以廉訪讀禮歸家聞其名命駕造
訪蕙卿才名由此大起公以夷事得罪及出關改字侯
邨讀高陽臺金縷曲二闕爲之慨然豈但於倚聲中爲
阿芙蓉增一故實哉

集中附錄嶰鶴原詞三首亦自清氣往來月華清云崑
列千螺舟橫萬鷁碧天朗照無際不到珠瀛那識玉盤

如此剗秋濤長劍催寒倚峭壁短簫吹醉似元規歎詠
那時情思 卻料通明殿裏怕下界雲迷蜃樓成市訴
與瑤闔今夕月華煙細泛深杯待喝蟾停聽畫角恐驚
蛟睡秋霽正三人對影不啻千里喝火令云風細筠初
脫雲輕葉慣梢小樓何處喚吹簫恰似青蛾翠袖扶醉
舞擡腰 邀笛前時步垂楊舊日橋萬山煙雨故山遙
一樣含漪一樣弄鳴梢一樣黃昏月下如雪露雙翹原注
屏東小軒十笏修篁一叢元雨搖煙娟
好可念淪茗相對翛然有故園之思矣高陽臺云鴉渡
冥冥花飛片片春城何處輕煙膏膩銅盤枉猜繡榻閒
眠九微夜爇星星火誤瑤窗多少華年更那堪一道銀
潢長貸天錢 星槎恰到牽牛渚歎十三樓上暝色淒

然望斷紅牆青鸞消息誰邊珊瑚網結千絲密乍收來

萬斛珠圓指滄波細雨歸帆明月歸舡

紉秋氏硯凹餘藩四卷按紉秋福鼎林滋秀也與福州黃

卓人

漢章

羅源黃南邨

銓

平陽鮑石芝

臺

華萊園

滿

以

詩呈長洲吳枚菴

羽鳳

選定刻蘭社詩略此其雜記之

作也中記假館正定時三月八日與沈定夫學博甄毅

庵孝廉置酒城之西北桃林別業中極一時觴詠之樂

毅庵賦沁園春云約就東風隱隱飛橋羃羃輕煙趁林

花濃淡春行梅塢溪聲遠近路入仙源共訪天台相隨

劉阮不飯胡麻也有緣長林畔看赤城霞起那是人閒

霏微細雨無端空搔首踟躕欲問天便流膏然杏鳩

呼布穀游絲冒柳馬繫連錢玉洞將尋蘭亭莫續也得
浮生半日閒休孤負待湓雲吹散月上闌干教庵未詳
其名亦未知何籍

往余在關中頗有文酒過從之樂然能詩者多談詞者頗
少惟南康謝蔚青兵備質卿長於倚聲見予詞輒以爲

弗及匿其稿不肯出故予亦未見其全也曾以金縷曲
題予酒邊詞自謂效子集中體云那有埋憂地向人閒
將歌代哭非癡非醉聞嶠煙花燕市月一任水流雲滯
祇博得狂名如沸酒國詩城隨去住放吟魂宇宙間游
戲問誰識箇中意青門快把春風袂趁良宵調宮按
羽翦燈無寐似此清才猶不遇愧我塵寰虛寄更忍說

烏衣門第落落吾宗衰歇久望東山事業君其繼請善
養浩然氣蔚青有轉蕙軒詩及駢體捻回之亂目擊心
傷作哀秦文以弔之淒厲不減子山予曾鈔藏之篋衍
君今年將七十矣守官潼關道署之後有養園養園之
左有觀河樓蓋卽潼關城樓也或集司空表聖詩品作
楹帖云太華夜碧大河前橫極爲穩愜山水雄奇花竹
綿渺四扇門中斯園實爲第一勝地君俯仰觴詠詞人
之晚景不亦佳乎蔚青爲蘊山

啟昆

中丞之孫椒石

學

崇觀察之子其詞學蓋得於庭訓觀察著小蘇潭詞六
卷多成於罷官之後唐多令云新綠破雲尖嫣紅摘露
緘畫樓人重換春衫記得刺桐花下立風廿四月初三

攬鏡倦閒面攤書忘下籤玉堂人未解華簪妒殺多情雙燕子纔薊北又江南減蘭云晴綃擘柳花影扶春如殢酒燕侶鶯儔不到春深不解愁花醒人醉一翦斜風鈴語碎莫捲珠簾簾下狸奴自在眠百字令云生涯如此但熏爐茗椀消磨長夏四十無聞身漸老一任呼牛呼馬藜照前因蓮花舊夢漫與論聲價幾番風雨夜來惟聽飄瓦便不買賦千金空羣一顧寂寂何爲者厚祿故人稀問訊有以尋常慰藉殷浩書函令狐箋記品第原中下爨桐留幾肯將心事輕寫觀察早歲登科中年解組搖落江潭故不無生意婆娑之感集中寄內寄弟諸作淒音苦節其亦有不能已於中者乎又秋

水秋煙秋雲秋星調南浦用玉田韻其秋煙云橘柚漸
生寒半陰晴正是溟濛初曉逗出一絲清流雲外惟見
雁翎斜埽炊菰熟否人家遙認山廚小不道燒痕都化
盡似此離離荒草便教攬入斜陽帶歸鴉幾回未了
漁火近猶遮萍風動纔識采菱船到如塵去渺荻花移
過空潭悄莫向樊川禪榻畔催得鬢邊青少又句算楊
花輸做浮萍尙留歸著近黃昏瘦了闌干一角玉人歌
落怪道鄰街鼓總是三更滿清雨秋梧桐一樹無多
葉猶白做秋聲不了月下笛些兒破紙著窗心恁奈暗
風如翦月如鉞虞美問訊生疎人前翻似初相識酒腸
茶量總能銷漏洩春消息燭影搖紅舞榭歌樓都照徧來照

蓬窗人獨

念奴嬌 龍中我待月 七里

看花仍是去年人去年花落

知何處

行 踏莎

觀察自序所云癡語如夢廋言若狂後有

知我爲引百觴者其在此矣蘇潭中丞之別業以南康

故里有蘇步坊翁覃溪

方綱

學士贈以此名勒銘池上

中丞爲覃溪高弟與欽州馮魚山

敏昌

并名稱爲翁門

二山所著小學考蔚青重刊於西安然校對尙未精

旌德譚西屏

唐

以丞尉需次西安能文知兵喜交才士與

山陰萬伯舒

廷琬

仲桓

同倫

兄弟蘭州劉夢星

開第

及

余唱酬極洽予嘗以感秋八詠命題西屏旣作詩復填

短調四闕秋燈云簾內銀釭小簾外孤星皎天地送秋

風紗窗閃閃紅

對影情何限涼夜愁相伴忽報一花

開秋心未肯灰醉公秋蝶云蝴蝶兒早涼時秋陰籬落

數花鬚暫來粉翅垂宵夢驚風露含情故故飛花前

拍板對斜暉別離知未知蛺蝶時予將之關西講院君

亦將從軍鄜州故其言如此迄今十年不通魚雁未知

短衣匹馬其意興尙何如也伯舒治古文仲桓工駢作

雖橐筆飢驅而所志愈厲夢星由進士分發來陝故鄉

已破無家可歸備嘗禍亂時有罪言酒酣耳熱歌罵并

作與人交有血性而不阿華州民回互閨由貿筍而起

其曲實在民官袒民抑回回遂叛予論此事頗責備縣

官不能持平時適與王霞舉兵部林穎叔方伯聯吟遂

及之夢星見之大以爲非面質予予謝之及予入都君

方失官坐累不名一錢而月後忽千里致贖并爲書數
百言力伸前說且曰君詩文必傳於後人信之將助回
虐民矣君忍乎哉予置之不敢辯顧予之行也君揮涕
相送出二詩其一云不死須相見知音復幾人開尊欣
舊雨問字悔青春弟子侯芭老先生原憲貧灞橋垂岸
柳遠眼逐行塵其言鄭重嗚呼此意何可忘也

年來西北旱饑大疫流行文字舊交一時俱逝若袁筱鵬

保恆

侍郎張聽彝

樹其

觀察謝麐伯

維藩

吳子儁

觀禮

兩編修又皆有用之才彼蒼其何意耶筱鵬在西安見
予華山後游記極傾倒爲之跋後自稱教下小末聽彝
精技擊能書畫從軍入閩勇於殺賊延建諸郡至今稱

頌之磨伯詩學杜陵言有肝膽倭文端公歿時磨伯輓
之云紹聖學於道統絕續之交誠意正心講席敢參他
說進奪我公於國是紛紜之日排和議戰明朝無復諫
書來與公異趣者見之皆不悅予僞爲予已酉同年生
久相聞名而未得見丙子始晤於法源寺君旋出典蜀
試丁丑始爲莫逆交殆所謂視我真爲一代人者嗚呼
尤可痛已袁辦賑河南張轉運關東謝監視京師粥廠
皆歿於王事惟子偁十年幕府積勞病目體質素羸予
別君時私憂之而君竟已矣袁謝吳皆不聞有詞張則
有滿江紅一闕敘云辛未春夏暢讀枚如酒邊詞十卷
胸次頓開步集閒韻以誌佩服詞云鼎食鐘鳴間幾日

不成寂寞沒來由功名富貴只填溝壑我謂文章終不
朽君家壁壘誰能薄擊青萍大唱酒邊詞燈花落展
長卷連番讀煮宿酒渾忘濁把肝腸盪洗年來一樂坎
壘半生能鍊骨塵沙四海休睜目彼蒼蒼有意老雄才
何嘗錯詞不足以盡君念君待我厚重省此詞愈增腹
痛耳

子儁熟於時務下筆洋洋灑灑千言立就而知人善下
尤爲近日所稀嘗以一卷示予曰此德清徐曉芙鏡清
所撰詞曉芙已酉選拔以知縣謁選卒於京師余欲刻
之恨余不精此道君爲判定勿惜筆削予謝不敢子儁
笑曰余聞王蘭泉司寇選國朝詞綜於同人之作多

所竄改君何歉焉余曰此非法也司寇賢智之過予何敢效夫人之嗜好不同文之強弱亦異安能盡裁以一律況人各有心文各有意又安能以我意爲人意謂人意必盡如我意予讀司寇春融堂集亦未能遠過於時賢其選詞專主竹垞之說以南宋爲歸宿不知竹垞詞綜無美不收固不若是之拘也今不問全集之最勝而祇取結體之相同則竹垞已云吾最愛姜史村亦厭辛劉而辛劉之作何以尙留於詞綜哉且不獨備數而已稼軒三十五首改之九首又何以入選如是之多哉司寇則不然同時若蔣藏園洪北江皆有詞名祇以派別不同蔣第選二首洪第選一首皆非其至者噫其亦異

於竹垞矣且夫一字之師古人動色相矜許誠難之也
丁敬禮曰後世誰相知定吾文者然則定文必由於相
知今相知未盡而遽定其文卽不至點金成鐵而必謂
予面如吾面得無削趾適履之嫌乎大抵司寇所著書
當以湖海文傳爲善其餘雖采摭繁富謂爲宏獎風流
則可謂爲精於鑒別似尙須論定也

曉芙詞名歐陽亭清空有致不染塗澤穢積之習菩薩
蠻云小園叢桂張黃繖玉蟾三五清輝滿上市美霜螯
饒涎流老饕 延秋傾玉醞穉子牽裾問月裏樹婆娑
今年花幾多踏莎行云浮白移尊開紅租舸橋頭鐵笛
吹雲破玉釧藏罷漏聲殘滿湖涼露蕉衫浣 後約裁

箋嘉賓入座無端遠岫濃煙鎖畫樓紅燭雨同聽銷魂

今夜人真箇

原注西泠載酒自題紀游圖十二首之一

金縷曲云到此休惆

悵憶隨身耕惟一硯十年飄蕩也算五侯鯖嘗徧挂笏

西山挹爽有幾輩逢人說項詩近中唐詞兩宋更文章

漢代卿雲樣弓與帛日相望如其萬卷書無恙再如

其桑栽八百簞瓢堪仰閉戶窮經終老耳那得高軒過

訪又那得詞壇推獎弧矢懸間男子事會乘風踏破長

江浪面已皺志還壯

醉後放言

曉芙囊筆東西一官未就集

中尙有藕溪山諸作其身世之感深矣

曉芙藕溪山云兜鍪一著幾輩上青雲吾老矣無他技

但伴毛錐子因憶昔過兩渡鎮見胥溪叟題壁云世風

日薄歎投筆從戎運籌有志太息櫓槍星未落灞上棘
門兒戲鶩鵲成行牛羊受牧莫笑夷吾器烽煙遙望銜
盃今且一醉 倏聞報捷紅旗輕裘緩帶不愧封疆吏
羽檄飛傳紛鼙鼓三舍暫容退避手刷翎毛頭銜鶴頂
血滴蒼生淚黃巾不起封侯此願難遂翠縷與曉芙同
意嗟乎爛羊頭續狗尾古今同慨符雪樵詠花翎云但
見東南飛孔雀豈知西北有浮雲一闕之市誰敢知其
是非耶

旅館留題頗少佳作數年來南北奔馳所見甚多錄其
稍可誦者一二方順橋中州玉笙氏蘇武慢云春意來
時河閒唱罷又作遂初之賦嫩麥纔抽寒梅欲笑撲面

塵沙如雨千里關河廿年事業百般情緒想北轍南轅
車輪馬鐵不堪重數聽誰家臘鼓鼙鼙琵琶切切猶
自徵歌選舞頑僕垂頭疲驪頓足此夜愁魂千縷白髮
高堂倚閭凝望知兒來否且料理寒衾先向夢中歸去
張夏無名氏臺城路云一燈纔穩思鄉夢披衣又催雞
唱鈴語丁丁馬蹄得得惹動四山亂響懸崖似掌看古
雪峻嶒寒雲潏潏曉色蒼涼一輪紅日海東上向平
婚嫁未了臥游圖四壁鬱成奇想來日齊州馬頭靈嶽
一角遙青相向塵容俗狀悵琴劍輕裝未攜筇杖刮面
西風輭紅飛十丈又昔年琉璃廠購得殘書數種中夾
一紙前詩數首後詞兩闕字皆簪花小楷末有芝仙大

姊蓮妹問香等字未知誰家閨秀亦未知是錄舊是新
製惜紙已霉爛過半字句多不全聊掇於此以俟知者
浣溪沙用葉小紉韻云羅縠衫輕凭畫樓烏雲斜冒玉
搔頭疏桐閣外月如鉤吟瘦遠山青入夢顰深雙黛
綠添愁盈盈銀浦水西流虞美人句云萬古傷心顏色

算斜陽

叫到楚雲淒斷一峰青

雁詠

戊辰計偕報罷遇丹徒茅雅初

鹿鳴

甲子同年也索觀予

集填沁園春見贈云往矣朱陳雅調騷情不在茲乎恰

三十年來都爲名誤七千里外苦被饑驅

原注君將入秦

短鬢

頻搔長歌當哭有美誰將善價沽飄零甚早浮生過半

白了頭顱

客中將伯頻呼笑此道而今頗不孤

原注時余

營歸計君亦以囊篋未就道想天意蒼茫方將玉汝世途偃蹇卻早

衰吾風雨琴尊雲天金石落拓同聲也勝無聊相慰喜

清聲老鳳兩地將雛蓋雅初亦垂老始第復不得志於

春官將歸課子不出山矣閩縣鄭仲濂守廉讀之有感

步韻云慷慨上書天閩路迷君盍行乎况朝爽西山自

供贈策晴雲太華已爲先驅此去灞陵短衣匹馬美酒

十千差可沾千珍重此鬼神歌嘯溝壑頭顱年來痛

飲狂呼算上下雲龍興未孤奈垂暮風塵輸盟石隱牛

生仕宦失望金吾琴劍棲棲煙花漠漠日夕狼烽黯淡

無何心問任饒涎腐鼠嚇煞鷓鴣及余在長安閉門寂

寞追念舊游亦填一闕卻寄仲濂并聯爲長卷懸之齋

壁詞云三十餘年銷磨幾字也者之乎任嫫母西施供
人刻畫追風逐電範我馳驅行矣諸君歸歟最樂斜日
揚帆出直沽時應試者多由海道儻相憶這未衰肝膽將老頭顱
夢中似有人呼勸莫遣雄心醉後孤笑說甚才情幾
分癡蠢生於憂患百樣支吾蛻骨如蛇換腸似鼠爲問
留皮比豹無君知我算平生返哺尙愧鴉雛嗣聞雅初
入閩某觀察延掌記室賓主不相得去館卒於旅邸身
後蕭條幾無以斂嗟乎依人作計其難至此悲夫

鄭仲濂家世清華妙才自喜亦余己酉同譜由翰林改官
工部遭亂歸來十年不出予時多遠遊與君蹤跡不甚
密及戊辰入都君聞之夜半走訪自後余無聊輒就君

君亦三日不見余不樂也字畫詩詞皆工而詞尤宛轉
入情丙子余復入都則君亡矣索其遺書得螭道人詞
草一卷或有題無調或調題俱無蓋君自中年以後多
傷心之故雖有所作亦付之叢殘不自珍惜然君爲朝
士三十年未嘗得行其志其所藉以存君者亦止此矣
况以詞論固海內一作者也其卽事浪淘沙云沒始沒
端倪假象虛機一盂轉側雙丸馳爲問勞生歌哭者見
事何遲 宿昔枉思維總落頑癡天空雲散月來時大
地山河無所有今日方知客有貢諛者詞以代答臨江
仙云畫不通神詩欠雅羞云滌倒名場大豚小犬費平
章且貪雞鶩食誰慕鵠鴻翔 清氣少分天乞與非癡

非黠非狂祇疑垂老若爲忙色塵三萬斛淚雨一千行
寓齋雪丁香盛開不旬日謝矣感而有作滿庭芳云滴
粉珠飛搓酥玉碎韶華也忒零星繁枝無賴斜亞小銀
屏十日恩恩開落梨雲夢容易吹醒憑闌倦猶疑風絮
春雪謝嬾庭沈沈豈漏寂妙年影事花下重尋有奈
窺半面梳綰同心一自素鸞信杳人中酒憔悴如今香
篝底不堪細訴訴又誰聽箇枚如同年沁園春云我問
枚如有家不歸鶴怨猿驚向巨靈掌上高舉太華黃金
臺下嬾揖公卿仰屋著書杜門避客熟海中閒署散人
長安道笑三千白髮十丈紅塵夢君昨上青旻夏手
挾君詩畋玉晨看天才何媿鞭笞鸞鳳古賢合讓蹴踏

麒麟我亦從之分章挾漢俯眺齊煙九點青遽然覺剩
空牀長簟磊落吟身仲濂繼配林四娘能詩伉儷極篤
逝後君終日有淚痕其無題諸調大抵悼亡之作奉倩
神傷不壽未必不由此耳鵲橋仙云百事都乖兩眉不
展嫁我有何佳處齎鹽井臼廿年中取辛苦備嘗而去
長簟凝塵空箱遺挂滿口思量無據破窗風雨夜深
吟待嘔出心肝償汝清平樂云珠簾晝寂燕子雙飛入
病酒愁春無氣力又近去年寒食卜算子云儂自命不
猶錯妒雙星會銀河一水別教填拌送如潮淚又句爲
卿灰盡一生心 饑驅整日幾曾閒怎打量閒來哭汝
讀之令人鼻涕下一尺

錯因緣葡仙薄因緣葡仙只得人閒卅一年悔生天葡
仙幸相憐葡仙忍相捐葡仙破鏡無因月再圓夜如年
葡仙此亦仲濂集中悼亡之篇蓋用風光好調仿竹枝
采蓮曲之體曼聲長嘯呼其字而訴之葡仙當是閨諱
也

元薩天錫詠雨傘云開如輪合如束翦紙調膏護秋竹日
中荷葉影亭亭雨裏芭蕉聲簌簌晴天卻陰雨卻晴二
天之說誠分明但操大柄常在手覆盡東西南北行此
爲依附權門干求恩澤者發也寫炙手氣燄令人慨然
所著雁門集其裔孫露蕭龍光農部重刊之校勘頗不
苟附詞十四首詞綜前後錄其七首尙有念奴嬌登鳳

鳳臺懷古步韻云六朝形勝想倚雲樓閣翠簾如霧聲
斷玉簫明月底臺上鳳皇飛去天外三山洲邊鷺李
白題詩處錦袍安在淋漓醉墨飛雨遙憶王謝功名
人間富貴散草頭朝露淡淡長空孤鳥沒落日招提鈴
語古往今來浮生無定南北勞人路浩歌一曲莫辭別
酒頻注亦清轉可誦而他篇則不無錯誤如壽大宗伯
致仕干公填法曲獻仙音平韻雙調五十四字考之律
譜則此調止有九十一字九十二字仄韻體且一首之
中上用寒刪下變用支微韻亦參差不叶豈自度之腔
而律譜失收乎卜算子第三向上拍云悄無蹤烏鵲南
飛下拍云西風鳴宿夢魂單作上三下四句法與換頭

自離邊塞路稽之各家傳作句調皆不合豈另有此一
體乎至金陵懷古本滿江紅誤作念奴嬌校者已從詞
綜改正而其中春色去也多色字雙燕子雙誤新打孤
城孤誤空亂鴉斜日斜誤紅寒蠶泣蠶誤蛩只有蔣山
青只誤惟又因而不改少年遊一名小闌干詞綜脫干
字此亦從之作小闌念奴嬌一名酹江月此以酹作酬
則校者不得辭其過也農部善於治生以鹽筴起家好
行其德待之舉火者無算子某孝廉尤揮霍予曾見霞
浦游漫郎大珠大令萍緣小記皆記蘇臺冶遊之作大
令自稱小玉其所云雁門生者卽孝廉也長篇三千字
瑣屑朗秀動人流連有西江月題詞云落筆才憐鳳鳳

倚歌聲禽鳥烏銷魂猶自譜吳歛薄命世間兒女我
是桃花別客十年一夢模糊新愁替得舊歡娛夢裏鶯
喚燕妒當時文采轉瞬消磨而兩家門戶亦皆零替矣
木蘭花慢詞律以蔣竹山爲譜謂此詞規矩森然誠爲毫
髮無憾矣然予讀吳禮部詩話載柳耆卿此詞云折桐
花爛漫乍疏雨洗清明正豔杏燒林細桃繡野芳景如
屏傾城盡尋勝去驟雕鞍紺幃出郊坰風暖繁絃脆管
萬家競奏新聲盈盈鬬草踏青人豔冶遞逢迎向路
旁往往遺簪墜珥珠翠縱橫歡情對佳麗地任金壘罄
竭玉山傾拌卻明朝永日畫堂一枕春醒其結調用韻
與竹山正同柳先於蔣何舍置之中又載吳彥高詞亦

然但彥高後拍起句云長安底處寬人不見路漫漫首
句二字次句三句四句俱三字與詞律所載兩闕俱稍
異是又一格也紅友未及檢禮部元人名師道字正傳
籍蘭谿

廈門逼海水鹹不堪飲日必取泉於鼓浪嶼近日蜃樓鬼
市徧布層巔行者苦之水不時至價亦加昂且其地爲
有事所必爭他族滋蔓其無乃包藏禍心嗟乎廈門數
十萬生靈平居之饑渴臨事之性命俱不能自主可不
思曲突徙薪之計哉因憶莆田林南池兆鯤太史鼓浪
洞天填鳳皇臺上憶吹簫云到處招遊一筇雙屐而今
又欲乘船似憑虛公子縹緲隨仙極目洪濤萬頃忽露

出雞犬人煙新來客鐘聲遠接引入洞天 巖前老僧
指點這一所村莊曾憩征鞍有舊臺荒壘雨蝕苔漫折
戟沈沙已久都忘卻鑿井耕田聽說罷掀髯一笑共醉
雲端下半所言蓋指耿鄭交誼時也今之隱憂蓋有百
倍於耿鄭者矣南池又有瓶梅滿庭芳三闕其首闕云
月浸瑤臺霜鋪瓊砌主人早辦迎寒東籬秋老花事又
闌珊誰自江南返櫂將春色攜到吟壇真耶夢佳人枉
顧洗眼試詳看 相逢翻欲哭因他瘦損倚徧雕闌問
別來一載何處盤桓且喜容顏如舊還帶得半點儒酸
冬宵永移尊對酌燈火話團圓

臺江校書鄭玉笥能詩有集一卷余見之於余戚馮翁貌

不負人人負貌卿須憐我我憐卿玉筍所集句也詞樹
諸君皆有題詠玉筍旣負豔名日夜思脫籍其家靳之
卒鬱鬱死葬於新亭新亭者埋香之叢塚也馮翁嫌其
穢雜爲移厝於小西湖無賴子挾其家人與馮翁爲難
重賂之始息殊有千金買骨之風馮翁爲余話此事猶
太息不止也大抵閩士不善爲名至閨閣有著述尤祕
匿不肯示人惟青樓女子時或以此釣奇然亦從前風
氣偶有之今則絕無矣余憶三十年前有林曼英者喜
詩能誦唐人三百首及黃莘田香草箋一字不遺亦略
通其意名噪甚或贈以詩云未必黃金能買笑不妨白
眼看人多蓋曼英左目仰視俗所謂斜眼也一日予飲

其家有客欲要之曼英不答客無計乃曰能作一小曲
當不汝擾曼英率爾曰何題曰月何韻日光卽應日光
汝看空庭白似霜儂家遠照不到西廂客愕然竟去余
笑謂之曰我不意汝乃琴操盼盼一流人曼英曰昨有
客遺我詞鏡卷首乃十六字令我愛其短時念之故不
覺衝口而出予曰詞氣對鍼亦妙曼英笑曰君不聞童
謠乎與哥相約月光時月今光了哥未來聞語謂來曰
蓋古音也
莫是儂家月出早莫是哥家月出遲我實套轉此意言
之蓋其慧如此

受業贛州胡發琪謹校

賭棋山莊集

詞話續二

受業興國李師竹覆校

賭棋山莊集

詞話續編三

長樂謝章鋌枚如撰

歙凌次仲

延堪

教授著梅邊吹笛譜按篇注明宮調自序

云稿中所用四聲非於唐宋人有所本者不敢輒爲假借所用韻凡閉口不敢闌入抵齟鼻音至於抵齟與鼻音亦然異時有揚子雲當鑒此苦心也蓋次仲究心樂譜嘗以琵琶證琴聲知宋人燕樂二十八調多與雅樂異名因成燕樂攷原六卷條分縷析考據極明惜予於此道未嘗學問不敢謬說是非第觀其論詞與余意合茲采其大略於左

宣城張其錦次仲之高弟也述其師之言曰詞者詩之

餘也昉於唐沿於五代具於北宋盛於南宋衰於元亡
於明以詩譬之慢詞如七言小令如五言慢詞北宋爲
初唐秦柳蘇黃如沈宋體格雖具風骨未適片玉則如
拾遺駸駸有盛唐之風矣南渡爲盛唐白石如少陵奄
有諸家高史則中允東川吳蔣則嘉州常侍宋末爲中
唐玉田碧山風調有餘渾厚不足其錢劉乎草窗西麓
商隱友竹諸公蓋又大厯派矣稼軒爲盛唐之太白後
村龍洲亦在微之樂天之閒金元爲晚唐山村蛻巖可
方溫李彥高裕之近於江東樊川也小令唐如漢五代
如魏晉北宋歐蘇以上如齊梁周柳以下如陳隋南渡
如唐雖才力有餘而古氣無矣填詞之道須取法南宋

然其中亦有兩派焉一派爲白石以清空爲主高史輔
之前則有夢窗竹山西麓虛齋蒲江後則有玉田聖與
公謹商隱諸人掃除野狐獨標正諦猶禪之南宗也一
派爲稼軒以豪邁爲主繼之者龍洲放翁後村猶禪之
北宗也元代兩家並行有明則高者僅得稼軒之皮毛
卑者鄙俚淫褻直拾屯田豫章之牙後我朝斯道復
興若嚴蓀友李秋錦彭羨門曹升六李畊客陳其年宋
牧仲丁飛濤沈南渟徐電發諸公率皆雅正上宗南宋
然風氣初開音律不無小乖詞意微帶豪豔不脫草堂
前明習染唯朱竹垞氏專以玉田爲模楷品在眾人上
至厲太鴻出而琢句鍊字含宮咀商淨洗鉛華力除俳

鄙清空絕俗直欲上摩高史之壘矣又必以律調爲先
詞藻次之昔屯田清真白石夢窗諸君皆深於律呂能
自製新聲者其用前人舊譜皆恪守不敢失況其下乎
梅邊吹笛譜
目錄跋後按篇中多持平之論以視主張姜史掎擊
辛劉者其識解固高人一等矣至論國朝詞則各言
所見且當時風氣之所趨亦足以考流派矣

次仲云周清真小雨收塵一調題日月下笛而與白石
玉田諸作迥異今細校之卽瑣窗寒唯換頭處少一字
耳片玉集中暗柳啼鴉詞可按也疑是瑣窗寒別名非
月下笛本調又云夢芙蓉夢窗甲稿題尹梅所藏趙昌
芙蓉自度曲也調極幽咽竹垞樊榭嘗用之而蒿氏詞

律失載又云萬氏專以四聲論詞畏其嚴者多詆之瀘
州先著尤甚以爲宋詞宮調必有祕傳不在乎四聲今
按宋姜夔白石集滿江紅云末句無心撲歌者將心字
融入去聲方諧音律徵招云正宮齊天樂慢前兩拍是
徵調故足成之及考徵招起二句平仄與齊天樂脗合
又宋史樂志載白石大樂議云七音之協四聲各有自
然之理王灼碧雞漫志楊柳枝舊詞起頭有側字平字
之別然則宋人皆以四聲定宮調而萬氏之說與古闕
合也余恆謂推步必驗諸天行律呂必驗諸人聲淺求
之樵歌牧唱亦有律呂若舍人聲而別尋所謂宮調者
則雖美言可市終成郢書燕說而已今秋舟過荆溪感

填湘月以酹紅友卽白石所云念奴嬌鬲指聲也按鬲

指亦謂之過腔念奴嬌本大石調今吹入雙調故曰過

腔謂以黃鐘商過入夾鐘商也此則亦采入國朝詞綜第二集但刪節不備

耳中所選次仲詞若秋夜隔浦蓮近拍此三則語皆精

和呂叔訥簾鉤齊天樂皆不見本集

審其浣溪紗黃昏云鵲尾黃昏炷麝臍壓簾新琢辟寒

犀是誰門巷玉簫低日自南回梅漸北風從東至柳

微西翠禽偏向夢邊啼醜奴兒曉起云朝來漸覺春寒

減雲散檐牙日上窗紗起汲新泉自煮茶門無屐齒

蒼苔滿淡處紛華閒裏生涯細數庭前未放花好事近

正定道中小飲云秣馬鎮州城城外荷花無數解轡柳

陰沽酒看鷓鴣飛去太行天矯控中原形勢自千古

莫問前朝興廢有青山如故綺羅香登壯觀亭云雁外
青天鴉邊黃葉亭上秋光如許萬里江山齊向此中奔
赴見隔水幾疊峯巒似微帶六朝烟雨戰西風苔瘦榛
荒斷碑猶有老顛賦徘徊空對舊蹟如見風流載酒
掀髯箕踞雪下前村留得可人佳句問當時豪興如何
有點點白鷗飛去拂吟鞭試覓歸途寂寥誰共語原注
壯觀亭詩如何夜來風獨下前村雪湘江靜表忠觀云陌上春深歸騎緩
望中原李花零亂霜寒一劍潮迴萬弩怕誰穿錢眼不
著柘黃衣擁旄節開門無患辱孫納土明廷報功猶留
得表忠觀 奠菜羹擣麥飯奏神絃里巫初散紅妝士
女青袍父老指南來新雁落日霸圖銷靈旗上疏風搖

晚英雄逝矣行人弔古空摩舊券生氣拂拂從十指出矣

予少喜藏園九種曲若笠翁十種則甚鄙之次仲高陽臺云十年細讀藏園曲儘移宮換羽挹徧清新接席何由雲端悵望驂麟須眉展拜疑相識向畫圖凝想前因又論曲絕句中有云仄語纖詞院本中惡科鄙譚亦何窮石渠尙是文人筆不解俳優李笠翁可見文有定價嗜好固不盡相遠耳

余於滬瀆書肆得興化劉融齋

熙載

所著藝概後晤同年

吳桐雲

大廷

觀察爲言融齋掌教書院善於談藝蓋窮

年績學之士惜怱怱歸來未及見也藝概自詩文及經

義皆言及中有詞曲槩雖或爲古人所已言者抑言之
而或有可商者如謂晚唐五代爲變調元道山而精審
處不少不可廢也節錄之以供參考融齋謂詞喻諸詩
東坡稼軒李杜也耆卿香山也夢窗義山也白石玉田
大厯十子也其有似韋蘇州者張子野也此可參次仲
之說次仲兼以時言融齋專論格耳

馮延巳詞晏同叔得其俊歐陽永叔得其深

宋子京詞是宋初體張子野始創瘦硬之體雖以佳句
互相稱美其實趣尙不同

叔原貴異方回贍逸耆卿細貼少游清遠四家詞趣各
別惟尙婉則同耳

周美成律最精審史邦卿句最警鍊然未得爲君子之詞者周旨蕩而史意貪也

蘇辛皆至情至性人故其詞瀟灑卓犖悉出於溫柔敦厚世或以粗獷託蘇辛固宜有視蘇辛爲別調者矣張玉田盛稱白石而不甚許稼軒耳食者遂於兩家有軒輊意不知稼軒之體白石嘗效之矣集中如永遇樂漢宮春諸闕均次稼軒韻其吐屬氣味皆若祕響相通何後人過分門戶耶

白石才子之詞稼軒豪傑之詞才子豪傑各從其類愛之強論得失皆偏辭也

白石詞在樂則琴在花則梅也

陸放翁詞佳者在蘇秦閒然乏超然之致天然之韻是以人得測其所至

蔣竹山詞未極流動而語多創獲其志視梅溪較貞其思視夢窗較清

詞當合其人之境地以觀之

北宋詞用密亦疏用隱亦亮用沈亦快用細亦闊用精亦渾南宋只是掉轉過來

南宋詞近耆卿者多近少游者少少游疏而耆卿密也詞固必期合律然雅頌合律桑閒濮上亦未嘗不合律也律和聲本於詩言志可爲專講律者進一格焉

昔人詞詠古詠物隱然只是詠懷蓋其中有我在也

詞深於興則覺事異而情同事淺而情深故沒要緊語正是極要緊語亂道語正是極不亂道語

詞澹語要有味壯語要有韻秀語要有骨

詞莫妙於以不言言之非不言也寄言也如寄深於淺寄厚於輕寄勁於婉寄直於曲寄實於虛寄正於餘皆是

詞學 國朝爲盛而詞集最易消磨以予所見前則陳其

年迦陵詞三十卷

此初刻本後乃編入湖海樓集

近則戈寶士

載翠薇

花館詞二十七卷最爲繁富餘則自五六卷至一二卷而一二卷尤多旣無全集可附麗別本孤行蟲鼠爲灾每有委之叢殘未轉瞬而姓氏翳如者可慨已予官京

師雖日淺有暇必周行厥肆輒於爛攤堆上極力尋檢
積久遂得若干種鄭仲濂與予有同志相約俟搜羅稍
富當作提要以傳之今仲濂已歿予亦出都恐此事遂
已因記其集名并錄一二佳篇隨手編纂不分先後其
中吳越爲多他省頗寥寥豈提唱之無其人耶嗟乎零
璣斷璧再俟百年安知不貴若照乘之珠哉

享帚詞四卷江都秦敦夫

恩復

撰自序云僕家有藏書

二萬卷闢屋三楹坐臥其中暇則吟諷以資笑傲隨意
所感寓之於詞或矢口而謳吟或曼聲而長嘯等諸擊
壤之堯民有類悲秋之宋玉凡人世之憂愉欣戚榮辱
得失胥不入於寤寐其言頗蕭散可喜然其詞則歎老

傷窮不一而足如和彭羨門百字令等闕可見也阮文達云道光丙申秦家不戒於火凡宋元精刻及傳鈔祕籍悉歸煨燼詞板亦燬此重刻也詞序敦夫曾刻詞學叢書校錄頗精中有某斐軒詞韻卽厲樊榭詩所云欲呼南渡諸公起韻本重雕某斐軒者是也以入聲分隸三聲蓋中原音韻之先聲故論者以爲曲韻非詞韻也

予向在京邸得錫山女冠韻香爲敦夫所作篆書楹帖句云清鏡理雲鬢雕爐熏紫煙曾作七古詠之韻香毘陵人氏王名嶽蓮自度於雙修庵號清微道人有空山聽雨圖敦夫爲填選冠子敦夫有姬慈鬢善畫花卉逝後填疏影掃地游等闕語皆淒楚

阮郎歸詠柳云春

風吹恨上眉彎和煙籠翠鬟依依清緒忽輕攀流紅水
一灣臨斷岸馬蹄殘春遊不放閒柳絲撩亂鬢絲斑
公然青眼看安公子春社云已是花飛片那堪杜宇聲
聲勸廿四番風吹不盡恨春情零亂只趁得衰紅暗綠
閒庭院聽社鼓二月剛過半奈好天良景怎忍流光如
箭羌笛添新怨短長亭外游絲罥欲向花前留好語
待商量鶯燕料此後離愁逐漸天涯遠一紙書抵作相
思券望愛惜韶華休把萬金輕換又句一蝶抱秋心南鄉子題慈鬢
有花便好無花也有陰陰樹金蕉情到深時
轉薄情可惜一天無用月南鄉子敦夫云武林吳素
江名景潮得古琴於土中修三尺四寸五分額廣五寸

腰狹三寸四分刮磨三日銘刻迺露其文曰東山之桐
西山之梓合而爲一垂千萬古上曰號鍾下曰壘山共
二十字隸法古勁知爲宋謝文節公故物也素江作圖
余詠以六州歌頭又云向來填詞家祇分平仄兩體惟
滿江紅一譜而兼四聲且字句亦參差互異暇日按舊
譜戲以四聲寫之各效其體平聲韻效姜白石體上聲
韻效杜祁公體去聲韻效柳耆卿體入聲韻效蘇長公
體此皆足供詞人攷據之資

聽松廬詞鈔

海天霞唱二卷附
玉香亭詞一卷

番禺張子樹

維屏

撰子

樹一字南山早負才名居官亦有聲晚年家居頽唐自
肆余聞其鄉人曰此南山有爲而然也南山生平謹飭

後爲人所誤區寬者縣役之總首也蠹法受贓家資鉅
萬援例得四品銜旣歿其家請南山題主私以萬金賂
其人其人粉飾愆愆南山不知而從之清議譁然南山
曾仿尤西堂法作圖數十幀歷紀一生事蹟付之梨棗
分致同人或於其後添繪題主圖密封送還南山始覺
乃大慚憤因謂身名瓦裂有何顏面因而問柳尋花無
日不在歌姬之院卽其素愛之聽松廬亦不時至焉

南山曰詞家蘇辛秦柳各有攸宜軌範雖殊不容偏廢
又曰以情勝者恐流於弱以氣勝者恐失於麤然南山
詞豪宕自喜蓋有意蘇辛而不至者尙不能自踐其言
其夢遊仙曲三十首填法駕導引盛得時名究之仍是

五七言詩耳天仙子春暮出遊悵然有詠云黃屋英魂
猶在否清明寒食無杯酒夕陽紅上越王臺攜翠榼整
金釵人自百花墳上來西地錦舟中午日云曾歷燕齊
鄒魯有滿身塵土長河水濁長淮水綠又滿天風雨
萬里此行何補惹離愁千縷清明過了端陽到了聽異
鄉簫鼓醜奴兒令題畫云疏林昨夜新霜透天正寥寥
風又刁刁只有丹楓醉未消 一條拄杖如人瘦兩鬢
蕭蕭兩袖飄飄又被青山引過橋此數闕特清婉附錄
一卷皆其少作其名玉香者時有山陰方某集諸文士
於紫藤池館南山年十三白蓮盛開援筆賦浣溪紗有
銀塘風定玉生香之句方歎曰此子他日必以文章名

遂以幼女字之且擬構亭池上顏曰玉香其後女以哭
母病歿南山悼之集中紫藤曲與藤花夢傳奇皆因是
作也

小石帚生詞一卷和姜詞一卷山陰趙藕村

福雲

撰余

初至西安卽聞客籍中有二才士皆會稽人其父皆官
縣令皆不幸中年化去一藕村一顧祖香

壽楨

也祖香

以文藕村以詩詞今觀其詞體格已具神味未永天不
假年無以造於大成惜乎藕村專宗白石著白石叢稿
十卷又以琴譜減筆之例證白石詞所注譜法昔人所
謂如梵字旁行不可辨識者皆能得其指歸其用心可
謂勤矣聲聲慢聞雁和江龍門韻云白蘋波冷黃葉霜

濃西風雁陣驚寒覓侶呼羣迢迢來自江關遙知茜紗
窗裏有愁人青鎖眉彎那堪聽聲聲淒楚淚落闌干
欲把鄉書重寄恐雙飛形影忽又成單一點相思爲
儂傳到長安天涯得歸何日祇歸心隨爾飛還空悵惆
夢醒時仍隔萬山南浦細雨斜陽行灞橋柳中云楊柳
夾長橋是古來銷魂第一多處一片碧無情斜陽外偏
把好山遮住東風微動樹梢兜定絲絲雨倚闌凝竚看
沙渚玲瓏白翹雙鷺天涯有恨誰憐向花底停鞭煙
中呼渡灞岸水潺潺添三尺搖盪別離情緒沿隄草長
黯然尋到春歸路數聲杜宇曾苦勸春歸還催人去
西安郭外八仙庵庭前有二黃楊高不三尺而枝幹橫

出散布殆將一畝雞棲鳬集視若廣廈予每至輒徘徊
其旁歎其奇而未嘗不憐其失所也嘗有句云不棲鸞
鳳棲雞鶩長是年年厄閨時藕村將卒之前兩月亦以
高陽臺詠之徹夜苦思嗽疾大作比明視其唾壺則殷
然盡血也詞中有句云關心怕厄來年閨把綠章上奏
天家漫消磨一寸光陰一寸萌芽語特不祥無亦所謂
讖耶

憶雲詞四卷錢唐項蓮生

鴻祚

撰蓮生深於情小令尤

佳其詞仿吳夢窗例分爲甲乙丙丁四稿丁稿自溫庭
筠至馮延巳各體皆擬之且皆工可以觀其所得力矣
甲稿自序云憶雲生幼有愁癖故其情豔而苦其感於

物也鬱而深連峯巉巖中夜猿嘯復如清湘戛瑟魚沈
雁起孤月微明其宵窈幽淒則山鬼晨吟瓊妃暮泣風
鬟雨鬢相對支離不無累德之言抑亦傷心之極致矣
實能自道其詞境文亦幽蒨似唐人小品乙稿自序云
近日江南諸子競尙填詞辨韻辨律翕然同聲幾使姜
張俯首及觀其著述往往不逮所言而弁首之辭以多
爲貴心竊病之余性疏慢不能過自刻繩但取文從字
順而止削稿旣竣仍自識數語雅不欲與諸子抗衡又
何敢邀名公賞鑒耶此言尤爲痛切足爲詞家砥柱但
不堪爲隨聲逐影者聞耳 蓮生詞之佳者錄入 國
朝詞綜續編甚多茲於所錄外補采數篇太常引云野

桃開後柳飛絲長是負春妍費盡買花錢禁多少風天
雨天 碧城十二紅橋廿四往事總淒然夢也不曾圓
祇檐月看人自眼前調客中聞歌云杏花開了燕飛忙
正是好春光偏是好春光這幾日風淒雨涼 楊枝飄
泊桃根嬌小獨自箇思量剛待不思量吹一片簫聲過
牆江城子吳門夜泊云金閨門外柳千條駐蘭橈度涼
宵可惜涼宵都付與無聊試喚吳孃歌一曲風又起雨
瀟瀟 雙鬟低映燭光搖似花嬌最魂銷今夜魂銷明
日隔楓橋城上烏啼催酒醒人去也自吹簫霜天曉角
玉山曉行云征鐸郎當點輕衫露涼賣酒人家未起殘
月在柳梢黃 行裝詩半囊夢回思故鄉秋到屏風關

外吹一路野花香西江月云翠被香添夜夜瑣窗人喚
卿卿如今不是舊風情愁醉愁眠愁醒倚幌疏燈明
滅過牆殘笛淒清夢隨涼月繞階行踏碎一枝花影虞
美人鄭州云磧雲寒結臙脂紫立馬王嬙里棗林一抹
亂鴉啼啼到打更時候更淒淒紅酥手與黃滕酒往
事空銷瘦燕姬攏袖壓琵琶不許離人今夜不思家徵
招丙戌除夕云江城殘夜聽簫鼓看看又過除夕擁被
不成眠更寒侵簾隙蠟燈搖瘦碧第一度淒涼今日紅
袖尊前玉梅窗底有人相憶岑寂送華年青衫上零
亂粉香猶濕鏡卜總無憑斷天涯消息可憐歸未得怕
明歲依然爲客拌檢點十萬鸞箋記倦遊踪蹟又句忽

憶去年今夜春寒第幾樓邊

風入松

片雲籠月月籠花花

下珠簾簾外影

玉樓春海棠花下作

巧極可憐無巧計依樣胡蘆

明日相思起

蘇幕遮七夕詞

豔詞空冠花閒集不上雲臺卻上

陽臺一讀南華事事乖

采桑子金荃詞題後

蓮生家燬於火復不

得志於春官滿地江湖依人作計是亦竹垞所謂空中

恨料白頭封侯無分者也

蓮生有灌嬰城梅仙祠鐵

柱宮滕王閣寫韻軒蘇翁圃填壺中天調六閱詞綜續

編選其五而獨遺滕王閣然其詞未嘗有優劣豈以起

處不爲昌黎地耶然推譽三王正是昌黎之意詞云千

年傑閣笑三王以後都無文筆幸有西山看不足天外

修眉漾碧鳬渚雲迷龍沙草沒俛俯成今昔閱人多矣

帆檣倚檻如櫛 可惜蛺蝶飄零故宮羅綺雨打闌干
濕莫望蓼洲東去路愁入江樓夜笛勝地淒涼倦遊飄
泊鄉淚頻霑臆馬當風駛幾時一送歸客又高陽臺詠
馬湘蘭研序云研背有雙眼并王百谷小篆星星二字
馬自銘曰百谷之品天生妙質伊以惠我長居蘭室詞
已載詞綜不錄 竹垞有憎鼠憎蠅詩蓋比興之作也
然蠅尤可憎拔劍而起何訝昔人予客太原其地不用
蠅拂而用蠅帚破竹數十絲搖搖作聲蠅輒遠颺蓮生
在都下有鵲橋仙詠涼篷冷布響竹冰桶詞響竹卽蠅
帚也然近日用之者少矣

綠楊亭詞一卷合肥田梅嶼

實發

撰梅嶼應

召試得

列一等見卷首長沙陳勤恪序當時頗有才名詞附其
玉禾山人集中調多小令題多閨情然陳滑不足以名
家如夢令云不怕風風雨雨但怕楊花如霧花裏送郎
歸郎隔楊花回顧郎去郎去還是郎來時路菩薩蠻云
燈花夜夜眞珠顆背燈彈淚挑燈坐不畏錦衾寒思君
形影單 加餐毋念妾有夢歸來說保得好容顏爲儂
畫遠山差有餘味

書連屋詞三卷秦郵王香山度撰詞分小令中調長調
各一卷短拍近剽長拍近粗中如竹枝三十首鷓鴣天
十八闕音節難言詩詞莫辨以多爲貴何爲也且其題
目并有老伯太尊等字樣更乖於風雅矣香山以舉人

官學博集中有甲戌別場屋滿江紅云號舍之神酹墨
汁與君爲別慚愧煞曲臂蒙頭欹眠逾月銀蠟淚乾心
未死冰蠶鼎沸絲難竭最驚人一陣黑罡風砂如雪
頭已白鬚還鑷腸已斷腰還折聽樓頭畫角壯懷銷滅
便踏曲江遲暮矣五湖煙水堪容拙謝多情吾自有吾
廬從今絕久困者讀之能無慨然然欹眠逾月計之不
過四五度秋風耳彼羶毳終身鏤而不舍者又豈少哉
清平樂云循檐獨走街鼓三更後睡去自應歸夢有
欲睡知能著否 月中茉莉新開照他香雪成堆記得
年年此際晚涼簪上鸞釵在其集特之餘韻

繡雲詞一卷太倉錢芝門

思榮

撰賣花聲云落葉帶愁

飄別緒難拋相思人度可憐宵徹夜打窗風又雨不住
瀟瀟 夢也夠魂銷醒更無聊獸香慵炷一鐙挑自是
吳儂聽不得翻怪芭蕉菩薩蠻云月檀珍簟寒於玉睡
醒不整鬢雲綠微雨白蘋花單衫紅藕紗 桐陰深幾
許團扇追涼去蝴蝶一雙飛斷腸人未歸百字令云聽
風聽雨又匆匆過了熟梅時節嫩綠年華銷滅盡未改
清狂結習夢裏攢眉吟邊斂手怕問花顏色青衫依舊
淚痕襟袖猶溼 況又鼙鼓關山井蛙風鶴烽火江壩
赤生悔韜鈴從未讀成就男兒何益磨鐵生涯拋金身
世往事何須說淒涼如許誰家還弄清笛無悶雪意云
天墨沙黃雲灑樹癡風急棲禽不語賸幾筆寒峯睡容

淒苦橋外孤村弄暝試準備疲驢尋詩去只防今夜玉
梅信息飛瓊偷取 愁緒渺何處想煙杪紅樓定羈珠
戶更翠袖安排陶家茶具莫是熏籠悄等早瑟縮潛吟
風中絮儻夢繞一院梨花應被凍雲留住

清淮詞二卷常州湯果卿

成烈

撰香影秋燕云西風吹

冷歎飄零翠羽去來無定病翮驚秋擲儘玳梁樓未穩
因甚紅衰綠減都忘卻天涯芳信又恰是過盡征鴻依
約暮煙暝 還有夜深涼月含情人翠幙窺見孤影此
去經年便待春來忍更尋芳徑想伊多少酸辛話怕說
與傷心人聽只徘徊舊日香巢似恐斷魂來認漢宮春
衰柳云秋已堪憐又被風吹墜散做愁絲驚鴉尋侶幾

遍尋到西池荒煙淡日有寒蟬共託空枝可記否青青
陌上舊時何等芳姿耐得濃霜千疊伴淒風冷月沒
箇人知無情感伊搖落也自應悲沈吟百徧況從來苦
繫相思忍更聽花開花落流鶯細訴春時疏影菊影云
簾櫳映微化碧痕滿地飛上明月似有珊珊來到籬陰
相逢可奈愁絕秋心更比秋容淡莫但說銷魂時節想
夜深秉燭清遊定誤箇人攀折一幅煙銷界處何時
灑醉墨疑染晴雪怕是斜陽和著寒雲早又秋光明滅
愁窺鏡裏朱顏瘦只冷徑霜痕都活對小亭鑑水遙空
襯就紙窗幽潔菩薩蠻悼亡云蓬山縹渺千重隔人閒
自古傷離別芳草本無情春來處處生玉樓凝望久

惆悵還依舊終日更誰來簾垂風自開又云晶簾秋捲
玲瓏月明蟾今古隨圓缺情緒付西風暗隨流水東
水流終到海舊恨分明在立盡月黃昏袖羅寒不溫

果卿爲皋文戚屬故其詞有家法張曜孫曰自先世父
先子詞選出常州詞格爲之一變故嘉慶以後與雍乾
間判若兩途也果卿表兄每一調必以全力運轉有約
千篇於一闕蹙萬里爲徑寸之概

清淮詞跋後

然詞貴清空

意欲清氣欲空太鍊則傷氣太鬱則傷意果卿所作前
勝於後後卷多傷結轡卽其附錄唱和諸篇如呂子奇

承綺

子兌

承婉

劉濬之

遵賢

輩亦多坐此病殆以矜尙

太過耳

洺州唱和詞一卷嘉興沈匏廬

清

編此匏廬守洺州時

幕中唱酬之作紅絃綠酒笙磬同音較之板聲錢聲珠

盤聲自爲佳也作者自邊袖石

浴禮

至戴蘭卿

錫祺

先

後共八人有九秋詞銷夏四詠消寒四詠等題目袖石

任邱人有空青詞邵叶辰

建詩

亦嘉興人有聽春閣詞

金改之

泰

英山人詞與袖石合刻曰燕筑雙聲女史沈

芷薌

藻

則匏廬之女桐鄉勞介甫

勳成

之室也匏廬後

官吾閩興泉永道

題瘦吟樓硯序云隨園詩弟子陳

竹士蘇州人元配金纖纖亦隨園女弟子著瘦吟樓詩

稿纖纖體羸善病卒年二十五是硯乃其手製背有自

寫小影介甫填清平樂云繡襦甲帳寫韻供清賞彷彿

葉家眉子樣多箇熏香小像 蛛塵重拂瑤奩墨花和
泪猶黏腸斷瘦吟樓畔一鉤新月初三匏廬南樓令云
鵲眼泪痕浮紅絲冷麝篝認依稀眉子風流韻事疏香
妝閣後又題到瘦吟樓 缺月墮銀鉤花影亦愁悵雲
鬟霧鬢難留賸有瓊瓏蕉一葉記曾伴綠窗幽叶辰臨
江仙云一葉銀蕉含露白玉臺曾結芳鄰盡樓吹斷鳳
簫聲碧天雲遠留影認真真 寫出吟腰秋樣瘦數行
珠字清新墨池波冷盪愁痕半奩眉月空自照黃昏袖
石南樓令云翠墨洗煙螺雲腴膩粉渦蕩愁痕一掬湘
波恹悵瘦吟人去遠誰著手與摩挲 片石未銷磨華
年瞥眼過甚春來依舊寒多儘把沈香熏小像祇無計

慰雙蛾蘭卿浪淘沙云塵匣展琉璃墨雨香飛宮闈小
字玉臺詩想見吟尋春更瘦扶病親題 照影訥臨池
花貌參差彩毫誰與寫相思惆悵畫眉人已老潘鬢成
絲改之蘇幕遮云夜吟香朝寫韻一片琳琅脂粉痕猶
凝可惜曇花偏易隕石上三生但現春風影 玉臺空
珠字賸自比雙文秀句親題贈滴得蟾蜍清淚盡新月
樓頭還鬪妝眉靚沈芙江 家模減蘭云春閨吟讌幾度
蘭缸深夜翦鶴背風寒鏡裏芳容石上看 新詩題贈
秋水自憐妝影靚樓外垂楊眉樣依然鬪盡長芷薌虞
美人云玉臺人去瑤天遠寶匣蛛塵冒畫樓空鎖舊時
春惟有一鉤殘月弔詩魂 蟾蜍露滴香猶膩密字眞

珠細三生石上識芳容想見繡簾開處不勝風 龜廬

和介甫霜林覓句圖調用霜葉飛自序云周清真霧迷

衰草圖譜以爲起韻詞律以爲非韻然夢窗之斷煙離

緒玉田之故園空杳繡屏閒了二闕亦是韻則此闕首

語自當以四字爲句用韻惟圖譜以下句爲九字亦非

蓋三字六字耳此調前半闕橋字用平聲後半闕六字

易五字皆從玉田體詞云自攜茶具披風帽支筇秋最

深處冷楓十里澹斜陽正好尋煙語笑指點江南村路

紅情多在銷魂樹寫無限荒寒也絕勝殘年灞橋風雪

吟侶 十載破帽疲驢西風無恙打頭黃葉如雨中仙

樂府已飄零更暗移宮羽渾減字偷聲漫與未應輸了

崔郎句早暝色催人一抹微雲亂鴉歸去昔崔不雕以
黃葉聲多酒不辭句爲漁洋所擊賞呼爲崔黃葉漁洋詩話
崔郎句指此也

瑞雲詞一卷荆溪徐伯宏

其志

撰伯宏詞後自加評語

輒高自稱許顧其詞多淺率殆負才而不知所養者歟
曾在袁江填高陽臺序云時河工頗多事客游無所表
見惟工倚聲勞逸固不同歟味此語殆有所干求而不
遂耶其江神子云花陰月暗小庭幽乍回眸卻回頭迴
廊東畔細步越句留退定不甘前不敢此際與誰謀趙
趙窺伺此小家婢耳林下風度殆不如是言爲心聲其
不自覺歟若蘇幕遮云暮兒來難撇去相憶分明相對

無言語簾際微風花外雨眼底深杯不解心頭苦說
無端還有據何必當初何在今生遇山上薜蘿山下路
鏡裏遙山祇覺青如縷又疏影詠楊花句云東溝不異
西溝水看甚日化萍流去尙爲宛轉可味末附鏡心齋
詞鈔二十餘闕則其門下士管城李少石鑾揚所作藍
出於藍不及藍矣

百萼紅詞二卷達園鉏菜叟撰按此乃全椒吳山尊鼎

之詞山尊晚年寄居維揚達園其寓齋也六十初度汪

劍潭

端光

觴之湖上倚一萼紅調爲壽山尊因而專填

此調積久遂多故曰百萼紅昔錢唐高文樵以滿江紅
詞與余定交喜甚作詞遂不用他調自號聚紅生名余

輩填詞之處曰聚紅樹井自鐫聚紅社中人小印天下
事固有不謀而合者意者愛紅其人情乎惜文樵殉漳
州粵匪之難詞卷飄零不可復問斷紅流水點點皆碧
血也 雨夜不寐檢得昔日在都時劍潭爲書詩餘一
冊藏之又十二三年矣詞云受淒涼數寒窗雨點風又
撼繩牀強起挑燈孤吟散帙篋底經幾星霜正消受言
愁滋味蟲唧唧如和出韻牆渺渺關河泠泠鐘漏薄薄
衣裳 湖海交游剩幾比狂奴年少隕落先傷老病身
輕浮名心死何曾人事能妨問丹黃千僂甚事況千秋
寂寞是文章好好白頭如舊青眼相將傷池荷云歎西
風竟不曾驅暑專送水邊紅流眄情長當歌聲咽花候

如此匆匆記曾傍朝霞采采說前度舊侶各西東綠盡
牽衣味如飲藥心逐飄蓬 生小鴛鴦爲伴怪个晨

睡醒絳雪無蹤愁起開初憐生斷後知我情爲誰鍾止
留得千莖慘綠怕今夜滴碎雨濛濛何況離離遠道夢
也難通山尊有侍女徐桐年十二三知書解事山尊病
服歸芍桐云芍藥是藥何不園中看花去聞者歎其語
妙集中有憂其不壽及病中悼亡諸作言皆悱惻傷荷
之篇殆亦爲桐發耶

淮海扁舟集一卷全椒金秋士

望欣

撰秋士詞清順頗

不耐人思巫山一段雲云柳弱搖春水花嬌倚暮煙軟
風吹老嫩晴天一帶夕陽鮮 紫陌初調馬紅樓半捲

簾山如出浴女兒妍螺黛涇眉尖臨江仙過露筋祠云
緩著吟鞭春水畔京風帽影吹敲長隄一帶夕陽西杳
花開似雪楊柳撚成絲翠羽明璫神貌蕭湖雲低護
靈旗楹書絕妙古人詩江淮君子水山木女郎祠祝英
臺近蛛網云繡簾垂芳樹暮網近畫簷布似織迴文苑
轉絡煙縷最憐顆顆明珠何時穿就倩梅子黃時疏雨
問愁緒卻似將老春蠶相思正難數閒坐斜陽盡日
惹飛絮有情惹住風花仍無情處並蝶使蠶媒留住念
奴嬌晚晴云夕陽樓畔有翩然曬羽暫停仙鶴點破蔚
藍天色嫩潑黛山痕如削雲陣排空虹梁跨水斷雨猶
垂腳晚妝眉樣一鉤新月初學好趁空館微涼簾紋

如水早睡原非錯對語簾前雙燕子似笑孤鸞棲泊網
溼蠨蛸粉乾蛺蝶夢到凝妝閣此時歸去個人猶怨情
薄秋士曾及吳山尊之門有浣溪紗云菊訪荒村一徑
斜葉公墳外野人家此花開後便無花 夕照城闕歸
畫鷁秋風木末數歸鴉西園載酒有侯芭爲山尊言也
山尊在揚曾居西園

小眠齋詞選四卷宜興史位存

承謙

撰儲長源

國鈞

曰

自花間草堂之集盛行而詞之弊已極明三百年直謂
之無詞可也我朝諸前輩起而振興之眞面目始出
顧或者恐後生復蹈故轍於是標白石爲第一以刻削
峭潔爲貴不善學之競爲齷體務安難字卒之鈔撮堆

砌其音節頓挫之妙蕩然欲洗草草陋習反墮浙西成
派彼浙西之詞不過一人唱之三四人和之浸淫徧及
大江南北人守其說固結於中而不可解謂非矯枉之
過歟位存自定其稿存如干首起衰有人固可以無恨
又位存之弟衍存

承豫

曰吾邑溪山明秀夙稱人文淵

藪而自唐迄今覈其著作真堪不朽者惟南宋之竹山
蔣氏 本朝之迦陵陳氏兩家詞集而已今得吾兄如
鼎三足按長源之說與余素論最合其時厲派方張一
唱百和位存以窮老諸生獨能於時風眾勢之所趨卓
然不惑而不枉其才卒之百年論定雖異已者不能沒
其所長則長源之所推許甯爲過歟其詞選入 國朝

詞綜將三十首然亦取其近於浙派者佳篇固不止此
予復簡一二錄之人之賞心何必盡同踏莎行云吹絮
簾前簸錢堂後眼期心諾相逢驟別來真箇遠於天當
時悔不攜羅袖月冷清宵香消永晝闌干花影如人
瘦如何一月斷芳尊心情還似會中酒步蟾宮云單衫
杏子無塵浣更婀娜合歡花朵一生贏得住江南便占
盡吳中梳裹者邊只有消魂我盼嫩約今番須果那
知暮雨獨歸時但悵望紅樓燈火又句望天外朱樓無
數不知他住在幾重樓紅一夢抱月飄烟想纖臂一尺
剩畫闌冉冉斜陽任風簾敲側拜星月慢遠月濛濛霜暗溼
行不得雞聲人語都寒色增字漁家傲歎依依別夢知

增字漁家傲
交河曉發

向誰家休恨尋春較晚傷心處不在天涯

鳳皇臺上疏

籬外冷香縈夢對黃花依舊苦吟身

八聲

甘州寒鴉落木愁

煞倚闌人

滿庭芳

傷別傷春淚花飄冷無分相看過一生

沁園春

千古傷心消不盡怕玉骨生來易化煙

洞庭春色

約園詞稿十卷武進趙于岡

起

撰于岡詞一卷一名末

卷有所謂逝水歌者皆哭其母兄子女之作有所謂唱

晚詞者多紀寇亂之篇骨肉凋零兵戈滿眼亦極人生

之不堪矣喝火令云鐵甕嚴更月紅橋靜夜霜數交陽

九頗倉皇幾載瘡痍未復浩劫又紅羊

忠惻神應鑒

雄師力可降么魔肆毒狼如狼誰養羣奸誰使盡披猖

誰使籓籬自撤楚漢達吳江嗟乎當時衮衮諸公所謂

參之肉其足食乎 予嘗謂詞與詩同體粵亂以來作詩者多而詞頗少見是當以杜之北征諸將陳陶斜白之秦中吟之法運入減偷則詩史之外蔚爲詞史不亦詞場之大觀歟惜填詞家祇知流連景光剖析宮調鴻題鉅製不敢措手一若詞之量止宜於靡靡者是不獨自誣自隘而於派別亦未深講矣夫詞之源爲樂府樂府正多紀事之篇詞之流爲曲子曲子亦有傳奇之作誰謂長短句之中不足以抑揚時局哉于岡唱晚詞頗得此意地則金陵維揚等處人則向榮張嘉祥鄧紹良袁甲三諸大帥皆見於篇雖其詞未必入勝然亦亂離之時能詞者應有之言但所填只此滿江紅十數闋其

餘則仍是栽花飲酒閒生計未盡量也

栩栩詞弃稿四卷武進陳秋田

聶恆

撰顧梁汾曰國

初輦轂諸公尊前酒邊借長短句以吐其胸中始而微有寄託久則務爲諧暢香巖倦圃領袖一時唯時戴笠故交擔簦才子竝與讌遊之席各傳酬和之篇而吳越操觚家聞風競起選者作者妍媸雜陳漁洋之數載廣陵實爲斯道總持二三同學功亦難泯最後吾友容若其門地才華直越晏小山而上之欲盡招海內詞人畢出其奇遠方駸駸漸有應者而天奪之年未幾輒風流雲散漁洋復位高望重絕口不譚於是向之言詞者悉去而言詩古文辭回眎花閒草堂頓如雕蟲之見恥於

壯夫矣雖云盛極必衰風會使然然亦頗怪習俗移人

涼燠之態浸淫而入於風雅爲可太息

富秋田求此詞序書

此一

則於康熙初詞場風氣言之最晰雖然是豈獨詞與詩
文哉卽詞派中之盛衰亦如是矣昔陳大樽以溫李爲
宗自吳梅村以逮王阮亭翕然從之當其時無人不晚
唐至朱竹垞以姜史爲的自李武曾以逮厲樊榭羣然
和之當其時亦無人不南宋迨其後樊榭之說盛行又
得大力者負之以趨宗風大暢諸派盡微而東坡詞詩
稼軒詞論骯髒激揚之調尤爲世所詬病卽秋田論詞
絕句亦云敢言豪氣全無與詩論天然非所宜千古風
流歸蘊藉此中安用莽男兒而秋田之詞則正病懨懨

無氣耳意既凡近筆復平實復不能鼓盪以真氣而自
謂似密而疏似近而遠其信然乎若南歌子云竹塢清
陰淺梧窗夜色重不無幽夢落花中料理斷魂歸去五
更風浣溪紗云坐待三更恨二更草根露冷百蟲鳴西
南鉤月爲誰生 翠被寒涼愁獨夢畫闌風細憶雙憑
斷腸燈下剪刀聲江城子云朝來似爲鏡鸞羞無言還
倚樓不梳頭顚顚殘妝風韻卻宜秋不道海棠秋更瘦
人瘦也替花愁求其清宕若此者不數觀也

紅萼詞二卷

國朝詞綜
誤作一卷

曲阜孔牖民

傳鐸

撰詞頗清

疏但游戲之筆過多八聲甘州過鄒平謁伏生祠云滿
咸陽烈炬正焚書先生似冥鴻抱黃農虞夏叢殘簡冊

長嘯清風楚漢縱橫過了鶴髮已蒙茸不向桃源隱只在寰中他日遺經口授與吾家藏壁字字相同笑空疏陸賈草創叔孫通千年遺風麟渺剩荒祠落日斷垣紅有多少行人錯問何代仙翁踏莎行過宋狀元梁顥故里云滿巷斜陽沒階藜藿當年此地開黃閣青雲客去渺無踪至今不見歸來鶴甲第猶存墻垣頽落豐碑已礪牛羊角只因曾作榜頭人令人每過思量著味此兩結語調侃俗情不少也

江東詞社詞選一卷作者江甯秦香光耀曾上元孫伯

雨若霖陽湖孫樹儀廷璩蘇州孫清瑞麟趾吳縣戈寶

士載華亭甯介生葆廉評閱多出湯雨生貽汾手其中

惟孫清瑞秦香光所填入格餘則登選少亦未見勝作
清瑞祝英臺近秋燈云剔銀釭留鳳燭愁思倩誰替照
到淒花澹澹畫秋意最憐別院歸時歌筵散後便拋在
亂蛩聲裏翠簾底爲甚今夜新涼不將繡奩理斜暈
殘蟾六扇綺窗閉悄從窗隙偷窺紅羅帳側引秋夢一
絲煙細香光綠意冷月云暝煙似織訝漸開漸朗四壁
旋白悄挂冷空試比秋宵更覺清輝悽惻嫦娥耐冷居
原慣怕照到衣單羈客料滿城翠館紅樓不解此時孤
絕雪後江梅幾樹乍看移瘦影斜上窗格一片青銅
千古高寒鑄就傷心愁魄那回呵手牽香袖欲重拜瑤
階怎得任夜霜鋪滿闌干沒箇玉人同立

願爲明鏡室詞稿二卷旌德江秋珊

願詔

撰據自序謂

有九卷而余所見只此二卷自序云余性剛而詞費柔
余性直而詞費曲余性拙而詞費巧余性脫略而詞費
縝密余性質實而詞費清空余性淺率而詞費蘊蓄學
詞冀以移我性也余謂此秋珊讐言以寫其不平耳夫
人文合一理所固然究之人自有人之性文自有文之
體凡秋珊之所言者其故在不深於情耳深於情則剛
無不柔直無不曲當於性中求情之用若徒求柔求曲
則詞格未工而心術或先病矣秋珊少填鏡中淚傳奇
自號願爲明鏡生因繪爲圖游白門遇水仙子與圖中
人十九彷彿亂後圖與圖中人俱化去有高陽臺紀之

然則秋珊豈短於情者耶浣溪紗云一種相思訴與誰
腸兒一寸不禁迴心兒一寸不堪灰 誤我蠶絲空自
縛背人蠟淚已成堆無多好夢莫驚猜鳳皇臺上憶吹
簫序云皖城淪賊十年矣甲子重來感而賦此詞云埋
玉憐煙碾珠弔月曇花竟是空花慘漁陽鼙鼓驚散天
涯多事仙人跨鶴覓殘陽紅認誰家儘一片頽垣斷井
冷噪棲鴉 嗟嗟蜉蝣身世竟過客迷津滄海浮槎有
千行血淚兩鬢霜華幾處遺營故壘剩深宵畫角悲笳
休憑弔干戈未休何處煙霞又句殘稿零星曾讀徧重
記取斷人腸

唐多令

有花看處莫登樓不平世事湖水亦

東流

臨江仙

笛榭詞二卷高郵夏玉延

寶晉

撰余在都下寄居蕭寺

雖挂名朝籍而門無車騎之客一日同寓友人謂曰京朝無熱官近雖時局稍變然亦有求熱而不能熱者但若吾子似又太冷余是日適從厰肆購得此詞因綴其寄芙初水調歌頭共讀之前拍云京雒獨官冷人更冷於官家居近在陽羨歸去卻無田留得秋風雙鬢還怕燕山霜雪吹白上華顛仕宦已如此詞賦自堪傳讀畢各大笑而罷芙初劉嗣綰也玉延爲郭頻迦磨女夫其詞宛轉關生知其播染者深矣有百字令將抵袁浦寄頻迦先生云問天不語恁茫茫塵海一身飄墮孤負高歌青眼望屈指華年空過鈍榜無名勞薪有味那便

滄江臥生平略似歸來翁定憐我何意濁浪聲邊黃

埃影裏猶客長淮左胡不逍遙從此去隨處浮家皆可

孽火焚巢賊星照戶各賸孤身裸近鄉心切杜陵茅屋

先破

自注頻翁去年不戒於火余在都爲穿窬所困

蝶戀花云雨雨風風無一

可瘦倚閒窗守著黃昏坐咫尺迴廊難得過闌干曲折

歲華鎖

白袷單寒紅袖按中酒心情無病惟宜臥解

道清愁能幾箇漂零花柳漂零我酷相思云愁紅萬點

垂楊下正妙舞清歌罷便消盡離魂花月夜儘有箇知

音者那有箇知音者天與清愁花不惹定少箇人相

亞卻何事漂零猶未嫁纔送了春歸也又送了人歸也

浣溪紗云小閣通橋檻倚河一層簾子一層波碧闌干

外畫船過 柳色濃時朝雨細桃花開後夕陽多留春
不住奈春何其自序云昔稱樂府今乃徒歌聲之不被
譜亦何施取彼苦調寫我怨思柯亭有竹豈無人知此
亦可爲專言宮調者下一轉語也

花嶼詞一卷宜興儲玉函

秘書

撰玉函與史位存兄弟

投分甚深故詞格亦頗相似沉著則不及耳中年曾游
吾閩有風入松送友云東風吹散海邊萍去住總飄零
閩山一路多嘯鴉料歸人也自愁聽惆悵片帆天遠懸
知雨地雲停 殊鄉節物又清明誰共踏青行酒闌緒
語星星記怕夢回還繞池亭從此西窗暗雨聲聲盡是
離情

水雲樓詞續一卷江陰蔣鹿潭

春霖

撰宗源瀚序云鹿

潭先刻水雲樓詞於東臺同時作者莫不斂手而鹿潭慨然自謂欲以騷經爲骨類情指事意內言外造詞人之極致譽以南唐兩宋意弗滿也按此亦前人已發之論然得其意則可耳若但塗澤字面則非矣且亦惟短調能存古意使長調故爲恂恂之辭似可解似不可解讀之終篇不得其注意之所在豈得謂之工哉鹿潭長調頗覺鬱晦正坐此病耳然其說則不可廢也序又云鹿潭晚歲困甚益復無聊倒心回腸博青睞之一顧詞中所謂黃婉君者聚散乖合恩極怨生鹿潭卒爲婉君而死婉君亦以死殉鹿潭瀕死向陳百生再拜乞佳傳

從容就絕論者謂此可以慰鹿潭而鹿潭愈足傷矣

菩薩蠻云雄龍雌鳳盤高閣紅牆百尺銀河落蠟燭散
輕煙春城寒食天 獸環金屈戌花影空房宿輕燕趁
風斜還來王謝家又云青溪流水宵嗚咽青溪楊柳無
枝葉遠客莫相思江南春信遲 遲君隄上道隄下多
荒草布穀雨聲中野花腸斷紅又云南塘洗馬喧春水
馱金買宅長千里錦帶玉麒麟雙鸞羅帳溫 御箋銀
沫冷北雁音書警落日動邊愁春寒罷遠遊又云碧窗
新火明朱鳥金盤侍女分瑤草作婦已經年鸞刀清晝
閒 松紋團細綠采采愁盈掬微笑別春廚羹湯勞小
姑河傳云鸚鵡低語繡簾垂殘日空房夢迷白狼塞前

書信稀花枝好如郎去時 屋後垂楊臨古道飛絮少
極目空芳草袖羅單愁倚闌玉關鐵衣春更寒以子夜
讀曲之遺運入長短句似五代學六朝人語也

寄廬詞存二卷江都錢子奇

國珍

撰其詞長調氣頗疏

宕滿江紅焦山春望云浪湧蛟門是天險長江峭壁間
誰任孫盧到此樓船出沒戰壘尙依京口樹估帆遙指
瓜州驛算劫塵已過又重新靑山色 著幾兩遊山屐
吹一曲臨江笛儘茫茫春水盪開胸臆畫稿圖成獅象
嶺狂吟驚起魚龍窟讓焦仙獨占古煙霞留遺迹又有
悲金陵悲揚州及感事金縷曲等闕言皆淒憤余嘗欲
輯喪亂以來各家弔亡悼逝諸作都爲一集言者無罪

聞者足鑒傳諸檀板以警將來是亦小雅告哀之義而

當局者所宜日置之坐右也

念奴嬌

自序寒宵夢覺
晴月照帷鄉思

無聊淒然成詠
戲用寒字熱句

云短驚寒晝又長怕寒宵數殘寒漏耐

得布衾寒似鐵寒月和人都瘦火剩寒灰霜誰寒色獨
自消寒九煖寒誰慰故鄉寒信知否最是枕畔寒雞
喚醒寒夢寒思難消受猛憶寒窗花事誤又到寒梅開
候蟄比寒蟲饑憐寒雁紅淚浸寒袖一寒至此歲寒猶
戀三友此雖遊戲然尙不墜惡道

鐵莽詞甲稿一卷甘泉黃子餘

錫慶

撰昔王莽州譏楊

孟載七言可填入浣溪紗竹垞推引十數聯謂此皆絕
妙好詞誠以詞中如生查子似五絕鷓鴣天玉樓春似

七律苟非恰好無庸強填初涉者以爲易也而不知其
爲最難今觀此卷若憶江南搗練子憶王孫長相思等
調連篇累牘題則薔薇丁香鳳仙玉簪秋海棠排列如
羣芳之譜虞姬楊妃卓文君黃天蕩燕子磯雨花臺悉
數若人物輿地之書旣無新意并多儻句是其於詞也
殆口占漫與取充簡冊者歟其卷首作序者不書姓名
第稱東山廓道人亦非法也

萬竹樓詞二卷吳縣朱子鶴

和義

撰子鶴詞庸弱未成

體姚春木

椿

序之首云詞之義至南宋而正至國朝

而續國朝之言詞者尤宗浙西蓋皆以南宋爲歸也
近人言詞者推西泠厲氏近則又以吳門爲多才蓋其

淵源派別爲不二矣信如此言則南宋以前詞皆不正
乎浙西派之外皆不足謂之詞乎其亦誤會竹垞之旨
而抑揚太過矣 蕭山單玉輝 元輔 幼卽雙瞽聽人讀
書入耳不忘長而淹博年僅三十而逝自言祖父以上
能詩者十六代皆有稿本未刊自著飲酒讀騷堂詩文
集齋邊月痕詞周清真詞箋注子鶴填霜葉飛悼之洞
庭山茶產於碧螺峯上曰碧螺春其色如螺黛其味如
蘭麝其細如蠶眉采於社前者爲頭茶又名尋茶 本社字後
誤爲 二采者爲明茶謂清明時所采不過一二十兩山
人亦自珍惜俗謂之嚇煞人子鶴填茶瓶兒詠之又黃
霽青軒續 國朝詞綜以嘉慶初年爲始亦見子鶴鳳

歸雲詞此三則可備詞苑叢談

遠春詞二卷華亭張金治

興鏞

撰金治在王述葬門下

又及聞趙味辛吳穀人諸老緒論故其詞無猥瑣之病
滿江紅題趙春漪鎖院詠物詩後云檢點番番比家具
攜來差少傳呼進紛投矮屋安排粗了片瓦支將茶餉
穩雙釘挂處風簾裊看橫陳三板試閒眠輕埃掃 瑣
屑事資軍校緩急誼商同調算蜂房營罷空留鴻爪欲
去更須重料理此閒本不求安飽又誰知寫入倚樓吟
皆詩料席帽中人讀之恍憶如燕歸巢如蛇赴壑時也
沁園春賦二字云有女同車燕燕鶯鶯才兼豔兼愛杏
花開候春風似翦棋牀對處妙弄疑仙看去雙文疊來

一字配箇人兒想見憐

自注詞調有想夫憐

休拋撇怕形單影隻

各自蕭然

鵲鵲蘭夜鐙前算過了初更漏正添憶洲

分白鷺水流無迹臺荒銅雀春鎖何年蘭樣同功魚般

比目嘉耦甯從怨耦傳厮相並莫較長論短兩小生嫌

又賦三字云悵望神仙天風冷然吟湘路遙只題緘歲

久墨痕未滅前裙春暮別恨重撩石上因緣命中奇耦

六幅羅裙色半銷尊前恨恨陽關疊後酒盞長拋無

聊偶弄檀槽撥不到鴟絃第四條算揚州月色那容分

占靈和柳影怎地眠嬌孽豈雙雙添仍一一畫手休誇

頰上毫相思苦便頻年蓄艾心病誰療關合勻適是亦

古人陶心兒崔廿四之遺則也

賭棋山莊集

詞話續三

受業黃梅石振挺謹校

受業星子查代昌覆校